



四四六

嘉靖八年至十一年

國權

鹽官談逸孺木著

己丑嘉靖八年

正月戊朔風霾晝晦

己亥許今歲幣武爵濟西陲初集都請開納遂暫行

賑陝西饑

壬寅南京提督機房太監李政乞准並織造切責之

乙巳撫治鄖陽右副都御史林富為兵部左侍郎兼右僉都

御史巡撫兩廣提督軍務初王守仁疾甚薦富自代

丙午兵部尚書胡世寧請薊遼宣大各增兵將錄用故都御史馬昊陳九疇副使施儒楊必進廣屯種興鹽法預收糴以足邊儲上從之惟不增兵

丁未翰林院侍講學士許誥上聖學四事講河圖洛書戒禪學略註疏屏小道

庚戌上南郊

壬子土魯番貢獅

甲寅大計覲官旌卓異餘千縣丞周詎預焉

丙辰長星出白氣亘天

楊一清言弭災之寶血卹民窮脩武備惜人才飭言官從之

丁巳前少保兼太子太保吏部尚書武英殿大學士石瑄卒

瑄瑄城人成化丁未進士入館授檢討歷禮部尚書直閣議

世廟見忤正直廉靜為時所重

戊午諭脩省諸大臣各自陳條議以上

庚申吏部尚書桂萼言胡世寧薦馬昊非是命罷之萼請錄

建言緣事諸臣鄧繼曾季本陳相等許酌用

套戶萬餘騎駐楊柳堡塞上戒嚴

乙丑復蘭州筦糧即申

太子太保兵部尚書胡世寧致仕

丙寅雲南左布政使徐讚為右副都御史提督撫治鄖陽
河南礦盜平

總制陝西王瓊言沙州番酋帖木哥土把等避土魯番入肅
州其部落內附半居白城山半居威虜城仍簡銳四百人聽練
牙木蘭雖降妻尚在番宜徙之遼東 上命徙湖廣

二月朔考察拾遺叅政胡纘宗副使何鰲屠應塌蕭鳴鳳等
並降罷

戊辰吏部奏覆原王守仁

上意未解詔議其學術事功

科給事中周延稱其賢謫太倉州判官

犯寧夏

甲戌岷世子譽榮代父彥汰理國事力辭許之

鷹房內臣以太廟獻新乞留鷹犬禮部言奉先殿歲薦鹿鴈
雉兔猪鷩雞鴨等載在會典有定例請悉縱鷹犬命薦新視
會典所定

停王守仁世爵卹典并禁其學術吏部尚書桂萼等議守仁
事不師古言不稱師立異為高則非朱熹格物致知之論衆
論不與則著朱熹晚年定論之書召致門徒互相唱和傳襲
轉訛悖謬日甚若功有足錄罪不相掩宜免奪伯爵申禁邪

說一上是之

丁丑襄陽大饑賑之監察御史張祿上饑民圖

戊寅熊浹為右都御史署院
提督團營武定侯郭勛受罪戍金輅輅輅擅縛指揮王臣被劾
罷其兵及保傅官階

錄安慶士民李時憲等守禦功

己卯核在京錢糧出入之數

癸未上禱雨南郊躬告
太廟世廟

山東巡按御史馬津請墾青登萊濱曠田薦參政張宏可任

從之官給直免科三年

甲申上禱雨南郊及山川壇

乙酉禱社稷壇

丙戌籍鷹房田召民佃種

沅岷屬番入犯殺千戶馮綬馬應爵等王瓊發兵至沅岷遣
撫夷指揮宋武等諭之惟沅州東路若籠族西路板爾等不

聽

丁亥河南陝西四川湖廣災

戊子大學士楊一清請開王親京職之例及陞轉王府官下

吏禮部議格之

庚寅夜金星犯天街上星

辛卯廷議哈密降人願還者聽其都督以下等官免赴京承

襲

癸巳諭戶兵工三部核錢糧積弊

遣給事中御史巡視各倉場內庫監局南京如之

先是命各陳所見上之司其可用者部院以聞觀官條議至是部院類上布政鄭韶查約江皖胡忠

按察使胡璉劉士元錢宏副使王俊民叅議周鎬僉事朱珮

知府孫存黃卿游連汝陽知縣白綱徐聞縣丞林應聰

甲午豐城侯李旻提督團營

虜入河套寇寧夏六七千騎悞報三百騎總兵杭雄副總兵

趙鎮等以三千騎出平羗堡聞精銳羸騎當我倖敗我逐之

中伏大敗死傷二百人亡馬七百匹雄鎮匿敗狀事聞下

科給事中李仁勤

兵科都給事中夏言勤青羊山剿賊功罪還請進潞州為府從之

立潞安府平順縣設兵備道

改方獻夫吏部尚書

乙未諭都察院下各巡按錄囚

三朔申朔署都指揮同知沈希儀為右叅將分守廣西柳慶

戊戌 上御經筵國子祭酒陸深講孟子畢奏講章為內閣

所改乞容臣等各盡其愚方鴻臚寺贊禮 上不悉聞也深

退疏引罪桂萼呈原稿命經內閣如故

部尚書吳一鵬胡璣致仕

廣東按察僉事林希元上荒政叢言救荒二難得人難有三

便極貧便賑米次貧便賑錢稍貧便轉貸有六急饑甚急饘

粥疾急醫藥病起急湯米沒急殮瘞遺兒急救養係因急寬

恤有三權貸官錢興工作借牛種有六禁、侵漁禁攘盜禁

禁攘盜禁遏糴禁抑價禁宰牛禁度僧有三戒戒遲緩戒拘

文戒遣使下戶部悉行之

辛丑兵部尚書李承勛請申會議會舉舊制報可

悼靈皇后祔太廟

癸卯國子祭酒陸深言講章不宜內閣改定又乞訓詁之外

凡政事得依經比義條悉以聞 上以深險詐下吏部言深

不敬謫延平府同知

甲辰提督南京倉儲左副都御史羅欽忠再引疾 上怒免

其官

立各鄉社義倉兵部左侍郎王廷相議
上禱雨未應作自咎詩禮部刊布中外
官軍攻沱州東路叛番斬二百三十九人

乙巳禮部左侍郎李時為禮部尚書

寬廷試讀卷一日

都督同知桂勇提督團營兼巡捕

丙午工部立庫曰節慎

丁未山西副使牛鸞得青羊山盜名籍命燬之釋疑

戊申御馬監太監麥福請復徽草場田租不許

禁京師佛會

裁守備監槍市舶等內臣併於鎮守太監

乙丑禮部右侍郎嚴嵩為左侍郎戶部右侍郎何塘改禮部

右侍郎

海盜掠常熟

四丙寅朔河南布政使周用為右副都御史提督南贛汀漳

丁卯御經筵左春坊左庶子盛端明講孟子氣促被劾調南

京尚寶司卿

勅脩會典增近方條例總裁大學士楊一清張璠桂萼翟鑾

副總裁尚書霍福顧鼎臣纂脩太常寺少卿兼翰林侍讀謝
丕左春坊左庶子兼侍讀學士穆孔暉右春坊右庶子兼修
撰方鵬侍讀學士許成名侍講學士張潮許誥席春南京侍
講學士吳惠右諭德彭澤右中允廖道南右贊善林文俊蔡
昂脩撰倫以訓龔用卿王用賓編修王教張星徐階楊維傑
歐陽鐸金瑤張袞歐陽德

己巳選翰林院庶吉士唐順之陳束任瀚胡經盧淮諸邦憲
汪大受郭宗臯蔡雲程楊祐汪文淵王表曹汴王穀祥熊過
晏如山鄭大同李實孫光輝吳子孝閔臣請官教習 上謂

邇年每為大臣私黨又竊之吏部尚書方獻夫奏增侍讀侍
講脩撰各三人編修檢討各六人著為令

嚴西番貢使出入之禁

撫治郎陽右副都御史徐瓚巡撫河南

壬申巡撫甘肅右副都御史唐澤為戶部右侍郎陝西布政
司叅政趙載為右僉都御史代澤

兵部尚書李承勛仍兼團營

甲戌禁勲戚妄乞莊田

乙亥攝代府事泰順王克燿奏臣考懿王嘗祔廟而自簡王
來戾王隱王惠王思王已五廟請定祗制禮部尚書李時議

簡王始封百世下祗今祗懿王則戾王親盡當祗第諸侯無
祗廟宜祔簡王之室積藏之歲暮合祭從之

丙子禮部右侍郎何塘予告

始遣屯田御史舊按察僉事

同安儒士李如玉上周禮會註十五卷賜冠帶

大理寺卿陳璋疾歸

丁丑甘肅督餉右僉都御史劉天和兼總制三邊兵餉

戊寅浙江左布政使潘旦為右副都御史撫治鄖陽

己卯戶部尚書梁材等議天下歲用於宗祿曰嚴妾媵之限

曰收山塲湖陂稅課河泊之利奏討曰裁旗校軍匠之食於

軍職曰清屯田曰嚴叱試曰定法令 上是之

庚辰右副都御史張璉為戶部左侍郎南京右副都御史蔣

璠為工部右侍郎改南京大理寺卿葛浩於大理寺卿

壬午楊一清薦永嘉葉幼學為翰林待詔蓋張璉意也

丁亥刑部尚書高友璣以訊庇郭勛劾免奪勛祿三之一

戊子總制陝西王瓊言右副都御史唐澤御史劉濂議處哈

密皆身歷確見會奏未允故今日紛、迄無定論澤等曰土

魯番據哈密有心然之跡有當然之理有必然之勢撫之以

恩而彼志益驕宸之以武而我力先屈此已然之跡也順則
緩之而不為之釋備逆則禦之而不為之勞師此當然之理
也處置得宜則遠服邇安處置失宜則兵連禍結此必然之
勢也蓋師不可以輕舉寇不可以橫挑其大者有五焉軍額
空虛屯田多荒一也我久戍而疲彼長驅而銳二也我失尾
刺之援彼合瓜州之力三也河東臨沱傷夷未蘓赤斤諸衛
零落殆盡四也西南防海工之東北梗山後之戎五也竊
謂度今之勢宜許土魯番之貢索還城印存繼絕之名開効
順之路選將蒐乘募民墾塞下然後招瓦剌屯苦峪城瓜沙
哈密襟帶西域將無不可若今日則非其時也 上從之

辛卯饒秀戴儒劉希簡為戶刑工科給事中

壬辰戶部主事倪組方一桂沈奎許廷桂徐淮刑部主事吳

麟梁尚德傅烟大理寺左評事孫錦並監察御史

五月乙酉朔南京右都御史張璟光祿寺卿劉乾應天府丞楊燦俱
罷

戊戌汰中外各衛旗校力士

庚子更定冕弁及群臣朝祭服制 上問張璉以革帶對陳
祥道禮書古革帶大帶曰繫帶以繫佩鞞然加一大帶笏搢於

二帶之間 上遂改祖制衣裳各六章復古蓋自來衣八章
裳四章

丙午陝西總兵都督同知魯綱疾還莊浪

南京刑部尚書周倫改刑部尚書

命廷臣四品以上各舉知府之選翰林科道各舉州縣官
核南京御馬監草料

甲寅禮部右侍郎何塘為南京右都御史尋罷

朱睦㮮曰何以守身之潔一介不取蹈道之堅百折不回
非聖門所謂獨者乎使其鵠立臺端多歷年所上能明朝

廷之法紀下能起天下之頹習然不幸一麾遠出偃蹇白

首卒不能一信其志悲夫

劉文總^充兵鎮^官守陝西

乙卯免順天河間真定順德廣平旱蝗田租

己未南京守備太監卜春王鏜有罪免賴義呂憲李璿代

辛酉南京操江右副都御史孫脩罷

汰御馬監勇士三千四百三十八人

賜楚府儀賓沈淵從一品服俸淵前上大禮議

六甲子朔命兩京文武官堂及方面官每季揭覽如弘治例

己丑南京吏部右侍郎湛若水改禮部

戊辰大學士桂萼上輿地圖

故右副都御史周南贈太子太保

^{癸酉}詹事霍韜等言臣等脩會典先閱冊籍見洪武初天下田土

八百四十九萬六千頃有奇弘治十五年存額四百二十二

萬八千頃有奇失四百二十六萬八千頃有奇是田存半失

半也國計何從足耶臣備按天下田額湖廣二百二十萬今存

二十三萬失百九十七萬河南百四十四萬今存四十一萬

失百有三萬此非撥於藩府則隱於猾民或冊籍有誤不然

何致此極也廣東田二十三萬今存七萬失十六萬非荒據

於寇賊則欺隱於猾民也由洪武迄弘治百四十年耳田額

減半再數百年減失不知又何如也總國計者可不究心乎

天下戶口洪武初戶一千六十五萬有奇口六千五百十四萬

有奇甫脫戰爭其寡且也弘治四年戶僅九百十^一萬頃減

百五十四萬口僅五千三百三十八萬頃減七百十六萬國

初戶口宜少而多承平時戶口宜多而少何也乞再勅戶部

覆實送館稽纂又天下藩府洪武初^年山西惟晉^府歲祿萬石今

郡王鎮國輔國將軍中尉而下共二千八百五十一人歲祿

八十七萬有奇山西田額初四十一萬頃弘治十五年存三
十八萬頃祿則增田則減舉山西推之天下可知也乞勅禮
部戶部覆實送館稽纂又天下武職洪武初二萬八千餘員
成化五年^增至八萬一千七百餘員錦衣衛官洪武初二百十
一員今千七百餘員又天下文職洪武初官有定額故數易
稽今冗員日多職守日紊臣攷漢光武裁州縣四百止七千
五百餘員唐文武官萬八千八百餘員宋文武官二萬七千
餘員今成化五年武職逾一萬合文職逾十萬矣是職員極
冗未有甚於此時也又內臣祖訓甚詳弘治間儒臣失攷

乞下司禮監備查洪武初各監局職掌員數送館稽纂若刑
工部都察院凡役匠之制官府之需物料之準律令異同之
宜弘治間庸臣舞智陰壞成憲乞勅廷臣酌定亦萬世太平
之幸也 工令各官詳核沿革送史館

南京禮部尚書劉龍改南京吏部尚書

丁丑虜入尖山墩官軍失利

庚辰罷兵部右侍郎黃衷

辛巳旱蝗免山東夏稅

癸未裁內庫上供白粳二萬六百八十二石

甲戌起張璠為南京右僉都御史提督操江

乞勅吏部詳查送館稽纂

乞勅兵部覆實送館稽纂

四

甲申故少師吏部尚書兼華蓋殿大學士楊廷和卒廷和字介夫新都人成化戊戌進士除翰林檢討進脩撰歷侍讀左中允遷左春坊大學士兼侍讀學士陞詹事直內閣誥勅進戶部侍郎改南京吏部左侍郎尋進南戶部尚書改戶部尚書文淵閣大學士有經濟才武宗末內誅奸彬外康廢政宗社賴之世宗初革弊宣猷朝政一新以力爭大禮削籍卒以庶人禮葬穆宗即位贈太保謚文忠賜祭葬

鄭曉曰康陵時劉公鞠躬盡瘁以匡其始楊公撥亂反正以扶其終或去或不去均之為大臣或曰公之議大禮

也可以議其名而未敢以許其妙若夫康陵之朝非但人不知其妙而亦不能信其忠是以當時知公者有李文正梁文康費文憲數人耳文正必得公而後敢一去梁費二公亦必得公而後敢即安則公所繫何如哉

何喬遠曰大禮議起楊公歎曰衆尤交責吾何逃乎義之尤我命也人之尤我過也事之尤我時也吾有去而已乃被廢家居言及受遺之際泪未嘗不霑下也彼亦有以自喜跡其時虛大位以四旬迎嗣君於千里梟獍在側磨牙啖舌楊公處之周勃韓琦未足專也吳中徐學謨曰

史道下獄廷和乞罷累旨慰諭可謂優渥乃請辭五六而不休至毛紀蔣冕林俊孫文彭澤喬宇相繼求去一時大臣未免高激成風失事幼君之體自後邪人伺隙離間新進用而老成削迹矣

巡撫山西都御史劉大謨免

國子監復立進士題名記著為例

庚寅河南左布政使張漸為右副都御史提督鳳門關兼巡撫山西

辛卯工部左侍郎何詔為南京刑部尚書南京太常寺卿顧

珮為南京戶部右侍郎起陳洪謨兵部右侍郎

九江兵譁都指揮芮傑憾安慶知府羅英縱卒索餉英出走

事聞下傑吏

頒新定銅衡頒天下

七甲子朔福建都轉藍運使黃宗明為光祿寺卿

右都御史熊浹罷刑部郎中魏應召工科給事中陸粲下獄都人張福殺母誣其隣張柱東廠庇之法司執正皆得罪陸粲言人畏東廠錦衣衛威心知其冤不敢辨理今敢與之爭者特聖明在上容臣子守法也 陛下何詰責之深哉工科

給事中劉希簡亦言之俱下錦衣衛竟抵張柱罪

談遷曰李福達詞連郭勛則張桂奮身而護之張福弑母大惡也事出東廠喋不一發將廷論易擢閣念難融與否則寧容默、處此乎

乙未兵科給事中孫應奎論楊清尚通難獨任張璫學博性偏桂夢梁驚大員委任上諭夢滌過

楊一清求去云與璫夢凡事齟齬心知其非力不能奪包荒負國實在於此上慰留之張璫桂夢各引疾上諭璫資性剛速宜思協恭諭夢質任寬任迂因致物論宜加脩飾

戊戌成提督南苑太監孫端乞免南苑戶役不許

大真人張彥頰遣其徒詣川廣雲南未取道經兵器騷擾雲

南巡撫歐陽重以聞

庚戌南京戶部尚書王承裕北上至天津有疾還里被劾罷土魯番速檀滿速兒入貢

癸丑禮科給事中王準劾張璫桂夢薦舉徇私不問

丁巳巡按直隸監察御史魏有本乞仍停浙直織造待豐歲今又命織造工違德意下失民心仍乞停止不聽

戊午吏部覆南京科道所薦舊臣羅欽順秦金趙璜等報罷

兵科都給事中夏言請設巡視海道都御史江淮總兵以捕盜從之

庚申前少保兼太子太保左都御史陳金卒金應城人成化壬辰進士婺源令拜南京御史歷今官總制江西討群盜平仍總督兩廣有幹局居官四十餘年家無餘貲

辛酉太師兼太子太師定國公徐光祚卒謚榮僖兵部請錄故提督兩廣右都御史韓雍後不允

八甲子朔虜警練京兵聽征

乙丑太子太保南京兵部尚書王憲改左都御史

提督兩廣兵部左侍郎林富請停廣東採珠不聽

丁卯增遣南京給事中同御史監各項錢糧出入歲終冊報惟內承運庫不與

庚午召南京工部尚書章拯於工部

復京省清戎御史

辛未國子祭酒魏校改太僕寺少卿經筵進講不稱旨改用

壬申起張雲戶部右侍郎巡撫遼東右副都御史

癸酉都指揮使崔文為都督僉事總兵官提督上下江防捕盜

丙子工科給事中陸粲劾張璉桂萼固上行私專權納賄擅
作威福報復恩仇璉雖狠愎自用執拗多私其術猶踈為害
猶淺桂萼外若寬迂中實深刻伎忍之毒少犯必死如受賂
王瓊以謫戍起用邵杰本邵氏養子嗣昌化伯鄉人文選郎
中周時望胡森主事楊麟王激皆親故鬻權禮部左侍郎嚴
嵩右僉都御史李如圭南京太僕少卿夏尚朴禮部員外郎
張敬御史戴金皆黨奸比周怙惡益甚將來必為社稷之憂
有旨璉負君忘義勒回家省改萼革散官并學士以尚書致
仕周時望胡森下獄罷邵杰嚴嵩李如玉粲不早言并下獄

已給璉驛

吳瑞登曰璉萼以議禮得幸正當退自謙抑從容自守以
需首輔可也乃相與協謀務旦夕攬權以逞雄杰之才連
蹶以攻費宏、既去矣再肆中傷以詬楊一清一清亦將
不安其位然卒不能逃世廟之神鑒也嘗言璉自伐其
能恃朕所寵又言好剛使氣則公輔之量何存也粲蹶一
入即命罷未幾再去再還世廟蓋欲挫其性而使之改
也然至死不改謂之何哉雖然苞苴不入中貴戢、亦以
才稱矣若萼者兇憤恣暴內忘桂華之教外攘趙鑑之臂

而中又與璉不相能也可與璉同論乎

林之盛曰陸公之論黜張桂其右張而左桂是非千載能辨之霍文敏實擁戴二公為攻文襄而故以不登收淹棄為永嘉罪若言官之彈墨特放臣之孤憤也豈非門戶之見為之深蔽而工為挑激者哉乃當年帝絃正振張桂既去而來文襄方留而去大臣進退朝白簡而夕避賢雖予奪皆自君恩而去就磊落益足發閣員風采矣噫此肅

皇所以厲世靡鈍而赫然成中興之駭烈也與

丁丑南京通政司叅議太僕光祿少卿吏部文選驗封稽勲

司戶部各司員外郎禮部儀制祠祭司兵部車駕武選司員外郎刑部各司員外郎雲南貴州司主事翰林院檢討武學訓導都察院檢校各道御史大理寺左右寺副國子監助教學錄五府都事等俱裁其一

裁壽州正陽權闕

戊寅勅諭文武群臣明張璉等罪

庚辰翰林院侍講許誥為太常寺卿署國子祭酒

壬午工憂災異特禱山川壇

朝鮮使臣吏曹叅判柳溥等求改正傳國本末許之言李旦

先名成桂世全州人至元辛丑常高麗恭愍王之變亡子權臣

李任仁立嬖臣辛旽子禍先嘗養宮中禍成桂權門下侍郎禍

傳位子昌高皇帝命為國王高皇帝斥偽姓以定昌為瑤主國事瑤又不義國人推立成桂

改名旦而祖訓會典云李仁任故求改

甲申右春坊右諭德彭澤大理寺丞葉忠被劾調外

丙戌總制陝西尚書王瓊劾罷

詹事霍韜言張璫桂萼不善保全自取罪斥夫復何言然事

雖專主心實可諒若楊一清奸賍難以枚舉如納張永蕭敬

之覬私門生馮涼鼓噪言官攻擊璫萼陸粲以文選郎中周

時望主事楊倫皆萼親黨胡森王激皆璫親黨粲非蘓人乎

亦一清親黨也去年議禮凡攻璫萼者得罪今附璫萼者又

罪則百官何所適從也臣與璫萼同進豈宜獨留乞賜罷斥

報聞初議禮惟璫萼韜席書方獻夫最信用璫萼專恣雖

上亦不能堪璫萼去言官欲窮治其黨紛呶百出韜疑一清

族之因力攻一清默救璫萼上心頗動

巡撫山西右副都御史王克封巡視浙江福建海防

丁亥起胡世寧南京兵部尚書

戊子科道劾張桂餘黨

己丑太子太保吏部尚書方獻夫論黨事如無顯過且令仍任上是之命公議

庚寅覈國子監歲額糧缺速責典守官

九 癸卯已朔勅召張璠直閣璠時及天津初璠陛辭行上密諭楊

一清可還相否對以甫榜其罪宜待其至家召之上乃止

甲午楊一清再求去不允

乙未工科給事中劉希簡劾霍韜黨護下獄

丙申工部左侍郎劉思賢編修金瑤科都給事中楊秉義

御史劉模教越太僕寺丞姚奎兵部郎中劉景寅戶部員外

郎郭憲禮部員外郎張敏南京刑部郎中劉汝輒御史儲良

材待詔葉幼學並免吏部議上

復王瓊總制工難其代也

作武弁冠服

辛丑南京刑部右侍郎邊貢為南京戶部尚書

謫陸粲貴州都鎮驛丞行人司副岳倫齊東主簿禮科給事

中王準富民典史

浙江巡按御史張問行諫止織造謫溧水知縣

壬寅朱鳳嗣成國公麟之弟

浙江左布政使劉節為左副都御史巡撫山東

癸卯霍韜乞假力攻楊一清贓罪韜仍留一清事下法司

甲辰免鳳陽淮安揚徐海災傷田租

乙巳刑部尚書周倫改南京倫鞫陸粲所劾桂萼私人為霍

韜所劾并即中陳之良員外郎王行可坐免

刑部左侍郎許瓚為刑部尚書

丁未復彭澤右春坊右諭德

戶科都給事中蔡經工鹽法三弊曰開中科罰多端曰添引

數非正額曰避掣商販壅積

戊申復桂萼少保兼太子太傅吏部尚書武英殿大學士仍

致仕

辛亥刑部等議上楊一清罪張璁解之報聞一清引罪乞宥

許致仕責科道不言各奪祿三月一清頗作好私其親故納

賄亦不貲晚節玷矣

談遷曰桂薦楊文襄矣傾之亦張桂也元台者舊睨少年

之色而進之割榮濡沫又不飭蓋籃上意早移猶悲

鳳池若兔裘然其見侮霍韜亦曰自我致之不得以報復

論也

丙辰刑部右侍郎聞淵為左侍郎右副都御史汪銳為右侍郎起用廣南京刑部右侍郎

免應天田租

已未免河間州縣衛所田租

庚申行人高金陳侃推官王守胡堯時知縣董進第為給事中曾燧為南京

刑科給事中南京刑工部主事李松劉安改御史周釋推官謝蘭

喻希禮傅漢臣李循義余錡陳琳陰汝登並試監察御史馮行人

恩宋宜學錄鄭文憲並南京試監察御史

歲貢生樊孟芳奏縉紳議論不公科道彈劾不當懷捕風捉影私嫁禍

得旨通行戒諭

故安昌伯錢承宗庶子維垣求嗣爵吏部言外戚爵止一輩

若傳世愈遠勳爵愈盛祿糧愈冗國何由供上深然之下

廷議

起顧璘江西按察使

甲寅宣城伯衛鐸工部右侍郎蘓民脩仁壽宮

詔江南捕蝗仍賑之

十月癸亥朔日食

太監臯謨言饒州陶器近遣內臣擾甚工部覆如之工以

不早聞仍如故

戊辰封厚燁吉王載威永定王安勃新會王睦格東會王台
潮豐林王表櫟寧化王

刑部員外郎邵經邦言議禮與臨政不同議禮以明倫排衆
任獨而不為偏若用人行政當分忠邪酌才力與天下之人

公之今海碩德重望陛下私議禮之臣是不以所議者為公也莫若博

選之賢講明勵翼用建光明正大之論萬世之後廟號世宗

顧不偉與下獄謫戍邊衛

己巳太僕寺丞何淵屢奏禮書工厭之謫永州衛經歷

停外戚世封惟彭城惠安以軍功居平免餘見封及身止著

為令

雲南巡撫歐陽重核餉兵大譁尋諭解免重官巡按監察御

史劉臬謫夔州推官

許廣東仍通番舶漳州私市禁之

庚午總督漕運左僉都御史唐龍為右副都御史回院

山西陝西江西災傷免田租

甲戌免蘓松水災田租

丙子提督兩廣兵部左侍郎林富奏罷思恩府丞官降為州

岑猛子邦相授土判官署事又裁鳳化縣立思龍縣於那久屬南寧從之

丁丑浙江布政使毛思義為右副都御史總督漕運兼巡撫鳳陽

兵科右給事中陳守愚請錄被謫諸臣以不指薦奪俸五月虜寇榆林王瓊禦卻之

壬午提督四夷館太常寺卿成文貴州左布政使胡訓並為右副都御史巡撫遼東雲南

乾清宮西旁室災

甲申免順天永平旱蝗夏稅山東田租

已丑魏校為太常寺卿提督四夷館

免臨沘鞏昌旱蝗田租

庚寅故國子祭酒蔡清子推官存遠蔡上清易經蒙引命梓之

十月乙未停山海關內臣征稅

戊戌監察御史劉安言君道貴明不貴察 陛下治功損於任察躬親有司之事措摘群下之失或既出而復返或方信而忽疑為孰陛下建長久之計進治安之策哉 上怒下錦衣獄兵科給事中胡堯時上疏救之并下獄謫安餘江西于典史堯時

湖廣
攸縣主簿

庚子召桂萼復相史館儒士蔡圻上章頌其功

吏科都給事中劉世揚上一事養和德消嫌疑久大任廣起

用褒廉介石班清若卒未得謚戒奔兢重巡按優言路上

以石班已謚李鑑之謚何不早止之請世揚江西布政司照

磨

巡撫四川右僉都御史唐鳳儀進樂至縣瑞麥一莖五穗

辛丑諭禮部禱雪

癸卯徐延德嗣定國公光祚子

戊申 上禱雪南郊明日禱社稷壇果雪

壬子奪故工部尚書李鑑贈謚

刊大明集禮

黔國公沐紹勛鎮守太監杜唐等採大理府和蒼山石崩壓人亡笑

事聞切責

丁巳 上躬謝郊壇吏部尚書方獻夫等翰林侍讀學士張

潮等左春坊左庶子穆孔暉等各上靈雪詩賦

談遷曰靈雪應則賦咏禱雨不應則置之一時士風足徵

矣

辛酉定湖廣宗祿概予金

故江西按察司提學副使李夢陽卒夢陽字獻吉慶陽人弘治癸丑進士授戶部主事歷郎中嘗劾張鶴齡兄弟及草奏劾逆瑾再下獄後官江西又坐誣累其詩文獨創冠於一代年五十八天啟初追謚景文

王世貞曰空同先生兩踈於弘治間擔荷世道不淺雖再下詔獄見以為煅煉而實益其剛果之氣若廣信之訟血氣與義氣各強半耳才高而病踈脫則易入名高而尚激厲則易染同并遇風胡越相救而不知其伏機之至此也

一遇康德涵再遇林世用而後得免虎口噫嘻亦危矣

十二甲子逮漢中知府監瑞、酷甚輒細故斃人

巳巳應天府尹王大用為右副都御史巡撫順天

辛未罷太子太保左都御史王憲、推宣大總督固辭被劾

水災免兩浙竊戶今年歲辦

癸酉施瑾嗣懷柔伯璣之弟

申戌番夷入臨沅鞏昌大掠

丙子福建左布政使查約為應天府尹

丁丑上親定百官朝服圖式仍會典之舊以習久而訛也

戊寅南京右通政余本卒本鄞人弘治辛未進士及第授編
修正德初求便養改廣東提學副使忤罷嘉靖丁亥補山東

戊子四月南遷年四十八

庚辰刑部左侍郎汪鋐為右都御史

裁工部添設右侍郎

湖廣巡撫右副都御史朱廷聲請土司首領官即本省銓補
從之

辛巳定郊祀告廟詣太廟行禮初在奉先殿

乙酉賑真定榆林饑

丙戌停宣大總制令戶部左侍郎張璉兼右僉都御史總督
軍餉

丁亥核群臣引疾三年以上俱免官其親老重疾鄉望非此
論

巡視浙江福建海防右副都御史王堯封引疾奪官浙江左
布政胡璉為左副都御史代巡視

監生錢潮蔡圻請遣召桂夢以狂擾下法司

庚寅減南京各關庫內臣

山東深盜平

庚寅嘉靖九年正月壬辰朔

正月丙午上南郊

安南莫登庸自稱太上皇禪位太子方瀛改元大正作大誥
五十九年

壬寅頒敬一等箴於岳麓書院

右通政何棟專理通惠河道

巡撫陝西右副都御史魁天叙為刑部左侍郎

復陝西督糧叅政及屯田僉事

丙午吏科都給事中夏言請 皇后親蠶云向被命勸順天

田土曾疎改各宮莊田為親蠶厥公桑園未見舉行夫農桑

天下本令人主既親耕行籍田禮而 后不親蠶非所以昭

陰教示婦職也 上嘉納之勅禮部具儀議於安定門外祀

先蠶并立蠶室詹事霍韜言南郊五里猶先日啟行 皇后

出郊難以越宿且郊外蠶室則宮嬪命婦未親蠶事祇文具

耳乞擇近地便 上以右禮責之已戶部言安定門外乏水

浴蠶初禮部議南城西苑有太液瓊島之水况唐制在苑中

宜如禮部初議 上陋唐人不足法其更定以聞

戊申 上復諭禮部親蠶

巡撫保定右副都御史錢如京言京畿地重守令須進士不
宜歲貢工以不拘資格且科貢正途何簡輕之有
庚戌巡按雲南監察御史劉臬請罷採辦土貢寶石不聽
淮王祐揆請進鈔代馬以舊制不許

壬子駙馬都尉謝詔請如外戚例列肆召商不許
甲寅右僉都御史劉天和巡撫陝西

太子太保南京兵部尚書胡世寧疾辭許之
寧夏早免田租仍賑之

犯宣府馬營赤城守備劉傳聞警砲率所部援之被圍數
重令士皆下馬步闖引滿四射矢無馬發最後射殺其酋長

駭去傳中矢如瑁比圍解甲裳俱赤臥創月餘卒
命團營右都督卻永總兵聽征

丁巳賑山西饑

己未兵部左侍郎王廷相為南京兵部尚書

故翰林脩撰楊慎成永昌求終父喪不許

庚申初上諭禮部祭太社太稷奉我太祖太宗配何義

宜太社配后土勾龍氏太稷配后稷氏至是張璁翟鑿等言

祖宗配社稷歷代祀典未載我太祖稽古定制初無配位

後禮官張籌之失沿至今日惟 陛下獨裁命卜日具儀注以聞

侯官獄滑先是侯官知縣黎文會酣縱重囚林汝美等餌獄卒藏刃瓜中率衆斬關而出殺文會趨南門適監司候御史於公署遂殺左布政使查約參議楊瑀都指揮使王翱經歷周煥賊入海後頗追獲

談逸曰查約盛德人也所在見思方允監粹發戒勿犯查公吏卒格鬪倉皇同命嗟乎奔車之上無仲尼覆舟之下無伯夷重其然乎

首俺答吉囊始東西連兵二酋亦元裔于小王子卜赤為從父行其大父曰歹顏哈有十一子次曰賽那刺有七子長吉囊次俺答皆雄黠善兵吉囊壁河套直關中俺答壁豐州灘直雲代各九子子領萬騎其弟老把都亦教萬騎壁張家口日益強不受小王子約束小王子徙壁東方直蘄遠號土蠻

二朔亥工部上蠶圖 上手改定

甲子定社稷配位奉 太祖太宗神牌於太廟寢殿
丙寅太僕寺卿余贊致仕

丁卯巡撫大同右副都御史蔡天祐為兵部左侍郎

戊辰上祭社稷畢出郊祭先農行耕籍田禮

北阿爾瓦廝五千餘人入紅城叅將彭濬拒卻之

庚午禮部工親蠶儀注

辛未江西道監察御史周禪釋工五事明史職恤水災清冊籍

厚風俗理驛傳上善之

免順天永平田租

壬申定百官謁文廟禮凡不與陪祀則常服從其後

癸酉初上問張璁郊祀祭祀冬至員年夏至方澤及日月配報之

說璁引漢宋及國初分合異同以對上未善也璁奏語吏

科都給事中夏言言因奏國家合祭天地於大祀殿太祖

太宗並配又祀不於至日而於孟春俱不應古禮宜令群臣

博考禮書及漢宋匡衡劉安世朱熹之定論以太祖初即

位詔為據上大悅下廷議禮科給事中王汝梅等詆言妄

上切責之諭禮部集議

乙亥巡撫延綏右僉都御史蕭淮移大同

李璋為署都督僉事總兵官鎮守貴州

賑京師浚民令天下脩舉養濟院實政

丁丑右都御史汪鉉請禁約官民服舍一依會典品級報可
辛巳議親蠶樂舞禮部以北郊陰方其色黑漢蠶東郊魏西
郊俱色尚青今樂女生冠服宜黑制度同先農樂生從之
甲申蘓州同知徐州不職巡撫陳祥劾之巡按魏有本則薦
吏部擬調吏科都給事中夏言以為言有本坐免
乙酉陝西左布政使胡忠為右副都御史巡撫延綏
戊子免福建逋租

庚寅黜前雲南巡撫右僉都御史歐陽重削籍重與桂萼同
鄉人謂萼黨重跡侵璉萼方獻夫也
免浙江田租

三 辛卯朔賜各科道大學衍義

甲午巡撫山東右副都御史劉節總督漕運巡撫鳳陽

丙申張璉上郊祀考議下禮部命以皇祖存心錄祭祀禮儀

書仍會議庶事霍韜謂祖制不宜輕改南北分祀惟見周

禮莽賊偽書不足據夏言曰宋儒葉時云郊邱分合之說常

以周禮為定秦去古未遠祀天山下祀地澤中漢之郊祀甘

泉祀地汾陰則秦漢天地之祭猶分也至元始間始合於南

郊實自王莽始漢以後分祭亦間有之陰增元后魏文帝之泰和周武

帝之建德隋高祖之開皇唐睿宗之先天皆分祭也開元禮則專合祭

矣宋元豐元祐紹聖俱議合祭以郊費之費每傾府藏從省為耳亦未嘗以分祭為非禮也今

議者以太祖定制不當改不知分祭固太祖初制為可

復也大祀殿以之祀天則不應經義以之享帝則合周禮然太

祖太宗並配父子同列稽之經旨又不能無疑周人郊祀后稷以配天我太祖

足當之宗祀文王於明堂以配上帝我太宗足當之區

之意有見於此敢併陳之下禮部

己亥召夏言便殿賜璽書褒諭予四品服許凡事直陳

庚子詹事霍韜下都察院獄韜貶夏言書切責言志上其書

因劾韜五罪上怒甚張璁力為解不聽

丙辰薛翰嗣陽武侯

丁巳皇后行親蠶禮於北郊祭先蠶

湖廣按察使周期雍為右僉都御史整飭薊州邊備兼巡撫

順天

己未張璁申分配並祀之議云分祀從古並配從今下禮部

是月阿爾禿廝自莊浪北鎮羗堡入西海結姻於亦不剌王

子丞亦不剌女許小王子至是阿爾禿廝子弟奪為子婦惧

仇教欲假道入套令數十人詭為僧丐被獲王瓊檄寧夏為

備總兵官趙瑛與巡撫翟鵬不協乞免

四庚申朔禁邊衛軍改近衛

故右都御史程宗孫政乞補廕上以太濫自今已廕物故者不得復補

乙丑裁鎮雄府派官復授芒部土裔隴勝為通判署府事丙寅右都督杜勇總兵聽征

前大學士楊一清追免一清嘗薦太監張永受金器永沒作墓志其家復遺金器事發奪官閒任追所受金

長樂太常山鳴

戊辰禮臣上群臣郊祀配典申議有旨如所擬大祀奉太

祖太宗並侑二至之祀奉太祖獨配張璉議主並配既抵

牒四三往復甚苦璉卒不可上下禮部徑行之

庚午諭部院議救災卹民之實

癸酉巡撫湖廣右副都御史朱廷聲為刑部右侍郎

都督僉事卜雲僉事左府

乙亥申定覆奏舊例不得延緩

己卯少保兼太子太傅吏部尚書武英殿大學士桂萼入朝

壬午漕運總兵楊宏劾免

癸未大學士張璉等尚書方獻夫等視員卹

右僉都御史李如圭為右副都御史巡撫延綏兼理賑濟
申申定土官襲職先報名核實

時有工書祀高禘禮部議地宮之震方歲仲春祀上難其行

京師大風霾

議延綏賑恤

南京江西道監察御史鄧文憲言親蠶之議夏言未必是霍

韜未必非且天地分祀則父母異處郊外親蠶則內外失閑

上怒謫

丁亥原霍韜罪罰金還任

戊子脩南京太廟

五庚寅朔錦衣衛指揮施傳再乞莊田不許

癸巳逮太監韋霸

丁酉總督倉場戶部尚書李瓚致仕

山西巡監監察御史王宣薦屬官五十二人右副都御史汪

鉉言其濫舉免官

戊戌禮部以大同巡撫張文錦前守安慶功宜量卹不許

庚子左都督桂勇解東官廳提督先是羽林衛指揮使劉永

昌言其權重

逮監察御史廖自顯擅筭指揮胡麟等非制也

辛丑武定侯郭勛僉書中府

壬寅巡按陝西監察御史朱觀論前巡撫延綏蕭淮奸利有跡而總制王瓊上其功互異命覈實

四郊肇工勅武定侯郭勛宣城伯衛鐸大學士張璠知建造事禮部尚書李時督視工部左侍郎蔣瑤提督右都御史汪鏐吏科都給事中夏言監察

癸卯孫家渡河隄成

丁未迎翠殿南織堂成

己酉起戶部左侍郎王軌總倉督塲

左僉都御史李如圭以右副都御史賑濟榆林吏科都給事中夏言超擢左僉都御史御史熊爵謂言出如圭以為己地言辭不拜命食四品俸

辛亥都指揮僉事劉淮總兵鎮遼東

甲寅廣西兵破程賊平

清內府各監局匠役

乙卯內召巡撫四川右僉都御史唐鳳儀佐院

阿爾禿廝衆二萬道寧夏禦之不能得

懷柔伯施璘卒

臨漳王厚炯薨謚康端

戊午前太子少保工部尚書俞琳卒琳浙江臨安人

進士

六月未朔立國子監敬一亭

定牧放營馬之例故事春夏放牧入秋回操給芻嘉靖六年郭勛改全給至是夏言奏留六千匹餘放牧遂量三千匹

庚申武定侯郭勛都督五營操練

阿爾瓦廝自鎮遠閔渡河入套

壬戌通政司左通政宋滄為右僉都御史巡撫四川

癸亥立曲阜社塾教三氏子孫

丙寅河南巡撫右副都御史徐璣獻瑞麥百本一莖二穗亡

何訓導范仲斌上巴縣瑞麥一莖五穗都人言瑞禾如生稱

賀張璠上嘉禾頌

庚午刻大明集禮成上自序之

真定大旱遣禱北岳果雨

乙亥陝西巡茶監察御史陳情濫舉劾免

吏科都給事中夏言奏給事中額五十八人舊進士選補弘治間始及行人博士正德間及推官知縣今旅行旋廢乞復舊制通選從之

免核黔國公田土

庚辰總制王瓊遣總兵劉文破沘岷番夷若籠板爾等族平之獲甲首三百餘平七十餘族瓊規築楊一清故塞屬之榆林未成即奏行賞如余子俊廕子例然子俊無之也

辛巳先是豐林王台瀚工四事崇輔道建學校定子女均人役

下禮部議工不果行

出內府金銅玉石鐘磬於神樂觀考正音律仍徵諸律者

河決曹縣分三道出徐州

七月朔兵部武庫主事趙時春言因災求言之詔未乾而慶

賀聖瑞之奏屢上往年靈寶縣官言河清受賞都御史汪鋐

遂進甘露今副都御史徐瓚訓導范仲斌又進瑞麥指揮張

楫進嘉禾汪鋐楊東又進藍花禮部再請稱賀矣仲斌輩猥

賤不足責汪鋐徐瓚楊東等風紀攸司禮部尚書李時等

座典禮乃亦徼利罔工臣所以拊膺深涕也若不嚴禁此

風漸長天非國家之福望申令百官有依託符瑞熒惑聖聽者即加誅譴庶可化佞為忠上怒云大臣科道既無陳說時春必有諤之論其以聞時春皇恐列咎上趣之時春言今日大務有四崇治本信號令廣延訪勵廉耻急務有三惜人才固邊圉正治教上責其掇拾賣直下錦衣獄拷訊削籍

福建平和知縣王祿請立獻皇帝廟於安陸封崇仁王主祀如禮部初議又預養宗藩子備儲貳免其官庚寅南京內臣高昇貢魚筍腹索舟役棄筍止進魚兵部奏

其違命命按之

辛卯提督四夷館太常寺卿魏校致仕

甲午廣東左布政使劉士元為右副都御史巡撫貴州

申飭提學官正文體汰附學

乙未維昂沈繼美張璽王楨秦鰲傅學禮王崇業葉洪曹汴祝詠王納言管懷理郭應魁王機薛申潘大賓王紘張裕王希文戴繼丁湛趙國良為給事中蔣貫李士文南京戶工科給事中詹事霍韜憂去

勅獎隰川王俊柏俊柏亡春秋省塋鳳陽并上文錄

丙申太常寺進御製祈穀樂章音譜

戊戌前征西將軍右都督抗雄卒

庚子右春坊右諭德彭澤為提督四夷館太常寺卿右贊善

林文俊為南京國子祭酒

壬寅停大臣子弟濫廕

癸卯初陳洸復奏葉應聰行勘殺人下巡按御史邵臨竟除

名令人訐御史聽囑詞脩撰蕭與成御史陳大器知府鄭漳

顧遂又下之巡按於是御史李美言死者皆有狀非勘官斃

之洸言妄不聽應聰成鉄嶺衛臨大器咸坐賄囑漳坐規避

俱有罪

沈一貫曰昔王金陵行新法而與舉朝士大夫為仇僉士

遂踐其隙派禍於黨碑張永嘉之世亦然有意乎勝天下

事發相激去者皆仇怨來者皆親戚豺虎安得不多噬噬

安得不博乎寧為葉公痛亦為諸公痛

甲辰詹事顧鼎臣署府翰林侍講學士穆孔暉署院

乙巳錦衣衛舍人樊名欲襲百戶不許戚畹後裔各以遠近

隆殺異塗傳乞者盡革

丙午工科都給事中趙漢言大學士桂萼翟鑿稱疾三月未
免曠職張璠預政久不求賢共濟未免專擅乞諭萼鑿引退
仍簡者舊分璠之責上命中使召璠、請令漢跡名以進
上果詰漢如璠指漢言陛下日應萬幾故欲璠引賢共濟
初無私主且輔臣簡命出自朝廷即有疇咨亦非小臣所預
遂奪月俸

談遷曰趙漢欲樹人佐治非攻永嘉也永嘉邊不能容巧
為鉤勒苟使漢怵於嚴威指列二三將坐鉤堂一鳴輒斥
矣漢堅守不撓永嘉亦無能中云

丁未吏科都給事中夏言奏浙江右叅政黃卿忤張璠調陝
西以溫州兵備副使党以平代溫州知府丁璿即擢副使俱
初任改補私鄉人黃芳授南京太常寺卿又私太常卿彭澤
皆璠意而吏部尚書方獻夫引用檢邪効力私家無上令黃
卿等俱如故璠獻夫各跡辨不問

前兵部尚書兼左都御史伍文定卒文定字時泰湖廣松滋人弘
治己未進士授常州推官遷成都嘉興同知平樅源賊歷守
河南吉安討宸濠立矢石間嘗火燎其鬚進按察使累至今
官孤忠敢任第不能徇時雖著功竟齟齬焉天啟初謚忠襄

行預糴備賑之法

法司會議條律付史館采擇

八戊午朔科給事中高金言沙汰附學生力陳其不可不聽

甲子應天太平安慶水災詔減田租有差

乙丑科給事中薛甲上四事擴始納以來忠謹正習俗以

明體統勤延訪以盡人才養和平以凝天休下吏部言其可

採議行之刑科都給事中饒秀劾甲阿附中正習俗以明體

夫而劾冢宰張瀾以軍餘而議勲臣夫股肱耳目之臣人得

指摘媒孽下陵上替不知所止下吏部再議申踪辨上怒其不俟覆邊上諷湖廣布政司昭

磨

乙亥勞懷慶知府王得明鄭王厚烷奏得明善政致瑞麥嘉

禾

建平縣妖賊伏誅

丙子處州知府吳仲工通惠河志

丁丑馮陽見星涿西北聲如雷

庚辰羽林衛指揮使劉永昌言太祖罷丞相分部院今內

閣無相名有相權乞存內閣減事權令九卿更直備顧問下

所司

辛巳大學士桂萼工授時考任人考

壬午水災減江西田租

甲申罷妣廣孝侑廟移大興隆寺春秋太常寺致祭翰林學士廖道南請革其祀禮部即議工報可

乙酉顯靈宮設醮是日論囚法司三覆奏以齋故免刑

九月丁亥朔辛卯朝臣多累月稱疾不朝命核之

右都御史汪鋐言各邊墩臺宜佛郎機銃從之

壬辰兵科給事中高金請斥真人邵元節云妣廣孝既不可

配享太廟則元節宜奪爵工謂金何久不言下錦衣獄

常祿外一介弗取公退閉門危坐

馮時可曰張公府設牙而門羅雀清芬自遠接人處物鋒

鏗若虛伎倆若無物、抑、若畏若媿何醇厚長者及當

事變雲雷鬱發神龍騰奮不可遏也仁者必勇其然哉懸

車暮年知足知止庶幾二跡操矣

是月黎諲沒於哀牢子寧七歲故臣黎峒鄭江黎舍鄭惟峻

等共立之稱元和元年居清化府之木州漆馬江兵三千人

又木州土酋車克讓兵五千人莫登庸攻之不克立四年登

庸攻之窟石城國人立其弟憲僭號光照黎氏傳十世歷一

百十年

丁巳朔

十月辛酉定海外諸國依期進貢罷珠池少監以鎮守兼攝從給

事中王希文之請

壬戌諭禮部選妃嬪備侍御遣禮部員外郎李瑜主事屠應

竣王汝孝吳龍往應天河南山東不遣內臣

丁卯巡按山西監察御史趙鏜與巡撫張瀚爭禮相訐俱罷

戊辰右副都御史胡璉子御史效避嫌求改翰林以近弊不

許著為令

庚午裁浦子口管稅內臣

辛未輯祀儀成典以更定郊制也

知建造事總督工程官郭勛同知建造事督視規制官李時

監視巡察工程官汪鉉為監脩官知建造事總督工程官張

璉為總裁大學士桂萼翟鏊為副總裁監視巡察工程官吏

科給事都中夏言進翰林院侍讀學士仍兼都給事中中允廖

道南編脩張袞徐階程文德為纂脩官

翰林院學士顧鼎臣奏江南稅糧積弊申飭清查從之

員卹祭器成及龍床御案上召張璉閱於文華殿求紅黃

玉為爵不可得

癸酉右副都御史汪鋐為兵部尚書仍兼右都御史提督團

營

甲戌詔停刑

乙亥翰林院侍讀學士兼吏科都給事中夏言直經筵日講
令王府將軍夫人而下儀仗俱本省支造

十一月丁亥朔定閣臣錦衣衛指揮侍御座左右永樂間閣臣首

文班錦衣官侍座右便承旨捧勅始命翰林

戊子工詣南郊視冒邱

監察御史唐寬奏決囚日鼓狀訴冤易稽緩請前期三日從

之著為令

癸巳張璁議叔梁紇顏路曾皙孔鯉另祀侑食從之 上作

文廟祀典說示群臣璁遂議文廟像改木主蓮豆十樂八佾

削封爵稱先賢先儒罷申黨公伯寮秦冉顏何荀况戴聖劉

向賈逵馬融何休王肅杜預吳澄祀林放蘧瑗盧植鄭玄服

虔范甯於鄉增后蒼王通歐陽脩胡安國蔡元定

翰林院編脩徐階請文廟如舊謫延平推官

乙未監察御史黎貫等爭文廟像爵削籍

戊戌初歷城知縣朱鵬醉杖德府典儀事聞下獄跡辨屬通

政司參議劉日乾光祿少卿葉廷芳刪定其草悞書月日詰
得實鵬削籍曰乾廷芳免

起顧應祥右副都御史巡撫雲南

辛丑更正孔廟祀典易木主題至聖先師孔子四配曰復聖
宗聖述聖亞聖餘先賢左丘明以下稱先儒進后蒼王通歐
陽脩胡瑗退祀於鄉則林放蘧瑗盧植鄭玄服虔范甯罷申
黨公伯察秦冉顏何荀况戴聖劉向賈逵馬融何休王肅杜
預吳澄

壬寅工部尚書章拯罷悞郊壇祭器

癸卯東有政使顧應祥巡撫雲南

甲辰工省牲南郊還宮

周鉄茂陵吳价郭圻劉希寵王杏周相鮑象賢汪似一方涯
陳洙李祺張相李磐李朝綱李鏞邢第陳直楊宜聞人銓徐
汝奎鄭崑為監察御史

己酉冬至上祀南郊奉太祖配還御殿行慶成禮詔天下肆

赦明日大宴

談遷曰高皇帝功德至矣太宗安能匹之今輒擬周
之文武以擬而實未盡然也專配太祖誠當即宗祀明
堂胡又易太宗哉

丙辰前南京禮部尚書沈冬魁卒

封克耀代王克煊賢豐王克州碭山王厚燾衡世子厚煥高

唐王貞潤會寧王貞澆延長王厚燾富城王厚燾貴溪王厚

燾秀水王譽杖黎山王褒煇方城王

甘露降顯陵

十二月丁巳朔諭太常寺禱雪

免湖廣水災田租

己未工部左侍郎蔣瑤為工部尚書

壬戌崇信伯費聚卒

甲午祀德祖尊太祖中殿

嘉靖十年正月未御奉天殿順天尹進春

丁酉特享太廟

先是右春坊右中允廡道南請改大慈恩寺興辟雍養老撤

靈濟宮徐知證知諤祀改歷代帝王侑以名臣禮部議有國

子監不必立辟雍惟寺供奉神像元流祀耳毀徐氏祭宜撤但地秋隘遂神改武衛作帝

王廟

庚子從禮部議歲首生務選學行毋衰庸充教

巡撫大同兵部右侍郎蔡天祐劾罷

孫允中曰嗟夫以孤危之跡寄於群兇鼎沸之時將欲明
王法示顯僇下弭邊方之患上紓西顧之憂卒使恩威並
著善惡攸分區、小曹恐不足惜者竟以此媒孽其短罷
廢以沒獨何心哉獨何心哉

壬寅初例監停者四年至是蘓州復以例上仍禁之

甲辰巡撫山西右副都御史顧璘仍浙江左布政使致仕初

璘以叅議養親起拜浙江右叅政山西按察使俱未任仍發任起浙

藩方任擢晉撫又乞養上青吏部凡家居毋概遷於是南

京通政司叅議楊谷以監察御史養親南京太常卿方鵬以

右春坊右庶子養疾並不當遷奪其新銜

乙巳少保兼太子太傅吏部尚書武英殿大學士桂萼疾去

上受顯陵甘露工兩宮分賜大臣

丙午裁薊鎮鎮守太監

吏部右侍郎董玘免監察御史胡明善劾其排陷徐縉李時

顧鼎臣及聞喪不即去也

戊申大理寺左少卿史道為右僉都御史

己酉工不豫群臣問安報天降霄露二月行報謝禮

選淑女四十八人

辛亥大內東偏火 工作火警或問明善惡別忠邪以自勵
定春秋開講告先師先聖

乙卯奉安 仁祖主於祫廟

二月丙辰朔癸亥祭太社太稷

甲子 上南郊

乙丑河南左布政使陶諧為右副都御史提督南贛汀韶

丁卯祭歷代帝王於文華殿

戊辰 上籍田躬耕

前少傅兼太子太傅戶部尚書謹身殿大學士謝遷卒遷字

子喬餘姪人成化乙未進士第一授脩撰歷少詹事直閣正

德初忤逆瑾里居十一年再召入引去贈太傅謚文正

史臣曰遷學術純正有大臣風節弘治間與劉健李東陽

同心輔政稱為賢相正德初權奸擅政以顧命大臣不能

艱貞以濟難雖達權不足而守正有餘所謂以道事君不

可則止遷蓋有焉 年表閏六月

癸酉議禘禮翰林侍讀學士兼吏科都給事中夏言以禘者

禘也謂禘其所自出之帝也 德祖既為 太祖之始祖豈

可復為所自出之帝乎請虛其位而加隆稱焉仍以 太祖

配 上是之右中允廖道南議朱氏出額項耳禘額項群臣
議於東閣張璠曰請虛位者失之無尊額項者失之遠宜仍
禘 德祖便言復上書爭之下廷議如言所請
甲戌南京光祿寺卿黃鍾為右副都御史巡撫山西
免鳳陽淮安揚廬水災秋租有差

乙亥購紅黃玉作爵祀北郊

戊寅定祖陵曰基運山皇陵曰翔聖山孝陵曰神烈山顯陵
曰純德山同天壽山從祀北郊
浙江海道僉事姜儀破擒海盜賜金幣

庚辰 上祀朝日壇

壬午大學士張璠以嫌名請賜名孚敬字茂恭俱御書

癸未議建太歲壇

刑部尚書韓邦問卒謚莊僖

三朔成朔大禘定孟夏祀始出之祖於太廟以 太祖配辛丙
歲一舉

丁亥冊九嬪德嬪方氏賢嬪鄭氏莊嬪王茂麗嬪閻氏惠嬪

韋氏安嬪盧氏僖嬪沈氏康嬪杜氏

戊子賜張孚敬

獻皇帝榮恩堂御書

工識其端曰 皇考
手澤

始立西苑耕種

己丑禮部言 皇后出郊親蠶非使命卜地內苑召大學士張孚敬禮部尚書李時來西苑渡太液池入見仁壽宮諭宮前立土穀壇後立蠶室同游出示西苑視穀祇先蠶壇位賦孚敬束手書賜明日各賡和曰咏和錄

太子太保兵部尚書李承勛卒承勛字立卿嘉魚人弘治癸

授太湖令

丑進士守南昌時瑞饒諸屬邑高安桃源東鄉各賊互起官兵促縮承勛獨前破之於山麓於邑門斬首幾六百平五寨又攻華林賊巢俘斬四千五百平之又敗桃源賊見忌內臣

黎安誣下獄而雪超拜浙江按察使遷陝西河南左右布政

使進右副都御史巡撫遼東築邊墻城中國鉄嶺斷陰山遼

河之交城蒲河塞女直寇城撫順道建州貢諸要害悉復拜

南京右都御史入刑部尚書加太子太保兵部尚書左都御

史領院事總督團營革宿弊練士伍忤總兵郭勛改理部事

因張孚敬革鎮守、備內臣二十七人各衛兵監局冒役數

千人一時肅然曉暢軍事繼胡世寧本兵三歲與齊名 上

極任之年五十九訃聞賜金幣諡米自為文啓禮部左侍

郎嚴嵩贈少保謚康惠

王世貞曰世寧承勛號齊名其機力勇略等而世寧稍則
於道不為揣摩陰解故易退承勛能抗郭勛固偉然頗借
閣人承力何大相遠哉攷、奉國知無不為亦庶乎近之
矣

庚寅嚴遠東貢夷詐冒

辛卯初應天推官陳廷璉疾乞免吏部擬加太僕寺丞工
以疾甚自當免非恬退也問例所自始部以弘治申對自今
乞休止原官致仕
各郊壇成

賜禮部尚書李時銀章忠敬安慎

癸巳吏部言京官考滿稱職方封贈間有違碍即不敢請於
是往、自陳蒙恩因而紛效或移封或改封自今宜裁從之
已巡撫宣府左僉都御史劉源清乞移封不許

乙未定西苑土穀壇曰帝社帝稷籩豆八牲用犢羊豕

吏部左侍郎徐縉詹事顧鼎臣左春坊左庶子兼翰林院侍
讀學士穆孔暉各失日講宥之孔暉調南京尚寶司卿

丙申翰林院侍讀學士兼吏科都給事中夏言為少詹事兼
翰林學士

套虜犯莊浪兵部議魯氏世守其土自都督魯經總兵他鎮罷
子瞻其魯勢難約束宜徵容兵下總制王瓊議

建州夷納牙卜別都尚來降徙兩廣

停永平河間壩底安普金滄銅仁鎮草柳桂施州各守備及

巡視洞庭湖管理開原馬市勅書餘兵備道撫治捕盜守備及太

僕寺勅不坐名許代任著為令

丁酉虜入大同新莊墩千戶張鉞敗沒士卒六千人總兵彭

英稱疾不出虜掠懷仁山陰至於廣武

戊戌諭擇吏部尚書許文選即中鄧尚義實授仍久任更慎

選各司

己亥巡撫大同右副都御史王大用被劾免

庚子上幸西苑祭帝社帝稷

雲南左布政使陳軾為右副都御史巡撫應天

武足侯郭勛提督團營

辛丑選舉貢監生為科道於是曹忭周崑薛宗鑑謝存儒為

給事中王德溢楊行中周罷宋邦輔諸演為試監察御史

內承運庫奏之金珠寶石徵帑金七萬下市御用監

工部請遣科道監收除內承運庫惜薪司軍器局外御馬監

司設監針工局巾帽局浣衣局司苑局供用庫甲字等十庫
廣益庫則原遣科道內官監印綬監尚衣監尚膳監銀作局
織染局兵仗局酒醋麵局寶鈔司廬甲廠則續遣科道上
以御用尚衣織染不必監收餘如議

甲辰廣西提學僉事黃佐引疾遽去下巡撫訊之

初建陽知縣薛宗鑑徵拜禮科給事中戶部言其稅額未登
命回任聽覈自今內召考績俱送戶部詳對

定勲戚享堂五楹東西廡重門各三楹碑亭一者為令

賜女直左都督速黑忒金帶綵幣速黑忒居松花江距開原

四百里為北夷孔道殺賊猛克求蟒玉不許

戊申裁四川分守少監

己酉監察御史傅漢臣請行條鞭法下所司

壬子故誠意伯劉基侑祀太廟次六王下

四 月 郊 朔 貢 士 孫 翥 為 工 科 給 事 中 貢 士 阮 薇 監 生 張 澍 為 廣

東道試監察御史

丁巳 皇后親蠶西苑

戊午 科給事中王訥言奏太常寺卿金贊仁寺丞桑友蘭

徐可成俱道深濫秩若陳道瀛尤宜斥忤旨下錦衣獄謫湖

廣布政司照磨

壬戌起王時中仍兵部尚書

甲子 上大禘於太廟牌書皇初祖不主名南向 太祖配
西向各牛羊豕一祭訖燎牌

談遷曰商周而上世系甚明推本所自始良不誣也末季
寥遠譜牒失傳即系某氏後亦沿而未確必溯厥原初遥
祀數千載之上果來格降歆予哉吾知其不屬也 永陵
好儀緝自議禮諸臣蔓之矣

乙丑復江西巡撫及兩京騰黃右通政四夷館少卿南京通

政司叅議太僕寺光祿寺少卿

丁卯脩仁壽宮

戊辰罷山西提學副使劉儲秀以檄建敬一亭語不謹南京
提學御史劉隅章哀以檄木刻請隅許州判官巡按御史劉
謙亨謫順德推官

雲南蒙自縣蠻才古等平

庚午巡撫宣府左僉都御史劉源清進右副都御史

巡視浙福右副都御史胡璉巡撫江西

辛未前工部右侍郎章極削籍致仕尚書劉麟閣住郎中高仲

嗣請開州同知以顯陵香殿燬閣微漏

山東左布政使李緋為右副都御史總理河道

癸酉工部左侍郎黎興太監崔文葦顯陵香殿

丙子南郊泰神殿成專奉神版

戊寅兵科給事中張潤身等言各鎮巡濫帶僉從冒濫名器

命葦之惟邊上武舉贊畫不論

張孚敬繼娶景寧潘氏錦衣衛指揮僉事潘餘慶以憲廟

端妃族得官同景寧譜令甲藩戚不得官京師孚敬辨其非

族

己卯旌伊王訐淳孝行

庚辰兵部火延及工部逮兵部左侍郎陳洪謨武選郎中黃

禎員外郎馬坤主事袁袞楊旦下鎮撫司他曹奪歲俸巡城

御史下法司洪謨禎削籍袞戍湖州袞初館選為張孚敬首

薦不報謝故改刑部主事

五甲申朔巡按浙江監察御史李佶奇察下應天巡撫訊之

南京戶部尚書邊首崇飲廢事劾致仕

庚寅壩上東馬房草場火

壬辰四川真州盜平

癸巳都察院請開贖軍之例不許

甲午命鳳陽守備太監王德母預軍民事

乙未南京太廟成

河南左布政使王潮為右副都御史巡撫大同

逮澤州知府廖雲龍前署武選郎中丹籍淆亂也

丙申浙江江西布政司右叅政萬廷彩吳漳湖廣河南布政

司左叅政黃焯祁鶴山東布政邊蕙山西貴州左叅議車

純姚如臯陝西廣東雲南右叅議孟易翁磐華金四川廣西

左叅政陸鈞蔣山卿各專勅天下布政司清理黃冊

徙環慶兵備副使於肅州

遣科給事中秦鰲監察御史李宗樞核兵工補冊

乙巳增黃州襄陽捕盜通判

丙午上禱雨於殿陛

減昌平寄牧馬十之三

戊申遼東巡撫右副都御史成文引疾罷之

裁山西屯田按察僉事

壬子夏至上祭北郊

六月甲寅朔乙卯戶部請開納助大工報可

嘉靖十年

丙辰山西添盜平

丁巳起秦金南京戶部尚書陝西左布政使周叙為右副都

御史巡撫遼東

戊午召李廷相仍南京吏部右侍郎

巡撫延綏右副都御史李如圭劾免

己未光祿寺丞陸釐請告勒致仕并核在籍諸臣

宣府右衛都指揮僉事任鳳為京營總兵

太子太傅豐城伯李英卒謚

辛酉壽王祐椿請青衣纏裳禮部求內織不得私作從之

壬戌徵山西鎮守太監周縉治罪不補

癸亥山東按察使張宏為右僉都御史巡撫延綏

雷震午樓門角西華門樓角柱

乙丑罷太僕寺卿曾直堂夫庫籍委奸吏非其實

戊寅戶部左侍郎張璉大理寺卿葛浩罷災異自陳

閏六月癸未朔免寧夏屯租

甲申裁湖廣屯田水利二按察副使武昌漢陽荆岳衡永通

判一

丁亥南京工部右侍郎葉相為戶部左侍郎巡撫順天右僉

都御史周期雍為大理寺卿

初行人薛侃上論孟古義命頒天下禮部言士習粹未能變
遂已之

戊子減山東災租

命兩雍官仍屬吏部各儒學屬巡按御史及提學官甄別

己丑裁杭湖嘉興通判各一

錄國初劉基常遇春李文忠湯和鄧愈後先是刑部主事李
瑜誦劉基功宜配食襲爵吏部右侍郎唐龍等言高皇帝
延攬豪俊創造丕圖一時佐命之臣並執宣翼而悻惓奇計

往屬基故在軍有子房之稱剖符發孔明之喻孫薦襲爵

丹書鉄券載在國史廡沒世微圭裳靡託或謂撤祚孤孱弗

克負荷或謂長陵嗣統遂至踈嫌一辱塗泥傳聞多謬而盟

書載府績効具存昔武王興滅天下歸心成季無後何以勸

善遂徵南京錦衣衛指揮使常玄振李性鄧繼坤湯紹宗處

州衛指揮使劉瑜入朝

裁浙江江西湖廣福建及獨石萬全永寧鎮守內臣

庚寅監生詹榮憾吏部左侍郎徐縉訐其賄遷知府喻茂堅

戚庇武庫郎中伍餘福下都察院當坐劾誣榮復訐通政使

陳經泄於縉縉託兵部員外郎吳道南併已并下都察院張
孚敬忽劾縉夜投刺謁黃白金縉力辨不聽竟削籍餘福道
南謫外祭勿問蓋太常寺卿彭澤傾縉覲代之
汰豹房勇士二百人西苑文豹一役二百四十人占地十頃
壬辰總督王瓊脩榆林邊牆
丙申陝西大旱蝗賑之

命主試浙江兵科給事中潘大賓刑部主事郭宗臯江西戶
科給事中王守刑部主事朱子和福建刑部郎中張臬戶部
員外郎張元孝湖廣兵科給事中王禎行人朱隆禧廣東吏

科給事中曾忭禮部主事王慎中廣西刑部郎中呂希周戶
部主事阮朝東四川戶科給事中祝詠行人司副李遂河南
禮部主事王汝孝刑部主事潘恩山東刑部員外郎施昱兵
部主事吳鵬山西戶部主事莊一俊刑部主事趙文華陝西
吏科給事中王崇右兵部主事王學益雲貴戶部主事焦維

章兵部主事具經

戊戌旌永州歲育生楊成章孝行授國子學錄成章父泰任

寧海長亭司巡檢買錢塘妾丁氏生成章四歲而孤婦何氏

歸葬留丁氏母家訣割銀錢為識成章稍長語之故既娶訪母錢塘

則適東陽郭氏生子珉各持半錢會於逆旅留養東陽數歲廬墓吏部以聞。

己亥裁廣東按察副使高韶南雄通判各一
庚子嚴考歲貢生回學十四人

辛丑起王大用右副都御史整飭荊州邊備兼巡撫順天
裁太平寧國通判各一

壬寅大理寺卿張羽為南京工部右侍郎

癸卯寧夏巡撫右僉都御史翟鵬免總兵署都督僉事張瑛
降級初相隙會入遣游擊李勳禦之勳語侵瑛不欲行鵬

遂遣他將劾瑛威令不行瑛託疾鵬舉副總兵江桓代不許
大入桓戰失利瑛訐鵬專擅致債闕科王崇會言其忿悞
皆得罪

甲辰甘露降固原鎮城樹總制王瓊採以進

乙巳堇見東井芒長尺餘

裁陝西按察使鳳翔同知平涼鞏昌通判各一

丙午都時人好告訐脅賄故太監張永弟容擅承餘賢軍匠
童源嘗之不應乃訐永葬犯龍脉已竟其案又喉蒼頭王謙
等發容奸利事豪民張雄為具帖言汪鋹許讚等數十人皆

受賂源因。跡右之下法司鞫其妄皆遠戍餘不問
丁未戶科左給事中孫應奎以頻年饑盜請暫罷工作工部
言神祇壇帝王廟西苑仁壽等宮蠶壇俱垂成不宜輟惟門
垣各官署可停役從之

戊申國子司業林時政南京通政司叅議時詔簡儒臣吏部
以進士外選度不稱輒改監職媒進命禁之斥學正房監等
五人助教嘉定金洲自永康知縣改任吏部言其素協士論
宜留不許仍調外
裁鳳陽揚廬通判各一

庚戌漕運總兵都指揮使楊銳被劾免
夜堇掃軒轅北第一星芒漸長

辛亥禮部尚書李時等乞脩省求直言許之
斬水王恩鉅薨

七月子朔巡按蘓松常鎮監察御史胡體乾言蘓松最居下流
水無所瀦泄而泛溢為患固其宜也今宜按三江入海之故
迹跡之其策有六曰開泄水之川浚容水之湖殺上流之勢
決下流之壑排潮漲之沙立治田之規委以專官經理其事
如右通政何棟山東副使陳文沛皆以治水吳中著令擢任

之必有後效下部議許之

癸丑大賑陝西命戶部左侍郎葉相兼右副都御史賚帑金

三十萬往

甲寅翰林院侍講學士席春左春坊左中允孫承恩主試應

天

陝西妖賊張文派劫漢中兵備副使劉一正平之

乙卯彗行翼宿芒七尺餘

戊午彗入太微垣掃即位星

免順天水災田租有差

己卯增貴州按察副使清戎

庚辰刑科都給事中趙廷瑞為右通政提督騰黃

刑部尚書許讚覆南京刑部尚書周倫推明律例七事酌估

贓以適輕重據鈔法估贓去深文以釋連累軍解連累明律

意以便法守不使宜如舊去深文以釋連累軍解連累明律

者處罰贖以決如律徒四年未覈隱蔽以均力役隱役許自

寬雜犯以廣恩例縱之

鄭王厚烷進白雀二薦太廟廷臣多賦頌

八月壬午朔癸未 工祀西郊夕月

吏部右侍郎唐龍為左侍郎右副都御史周用為吏部右侍郎

丙戌翰林院侍講學士吳惠右春坊右贊善蔡昂主試順天

巳丑免臨沘鞏昌旱災田租

工告白雀之瑞於太廟

壬辰滄州漕河淤阻都御史李緋等奪俸

甲午起陳寰國子司業

丁酉陝西四川鎮守太監張紳蕭通有罪免

初吏部文選郎中夏良勝彙銓司存稿載議禮時執奏傳奉

諸跡屬鄉人江西叅議張懷南城主簿竇鑰鑰例之良勝削籍

怨家王榮訐其不法株及建昌知府鄭源源例樹坊新城知縣蕭

一中餽產俱下獄良勝戍邊懷時廣東叅政免官一中南

京刑部郎中及源煥俱謫

巳亥光祿寺庖人王福錦衣衛千戶陳昇俱請顯陵遷天壽

山禮部會議具言其不可從之每清明節遣大臣祭餘仍部

官

庚子戶科左給事中孫應奎以郭勛汪鉉何棟甘為霖皆奸
諂冒恩。上謂其私忿下獄尋釋

辛丑進安陸州曰承天府縣曰鍾祥

科給事中謝存儒悞劾太常寺卿署國子祭酒許誥乾沒
。饒錢誦

壬寅兵部右侍郎潘希曾為左侍郎工部右侍郎錢如京改
兵部巡撫山西右僉都御史王應鵬為右副都御史

申辰總督陝西王瓊都督劉文進固原甘露仍請賑許之

前少保兼太子太傅吏部尚書武英殿大學士桂萼卒萼安

仁人正德辛未進士歷丹徒青田武康令頗潔廉郵民凌忤

工官嘗被笞申白簡幸得解稍遷南京刑部主事言禮同張

孚敬驟貴至直閣規畫多迂滯又擢孚敬並罷亡何召入氣

黯然不復振乞歸疾篤遺表謝恩 上閱之贈太傅謚文襄

錄子與尚寶司丞輻中書舍人

支大綸曰文襄遭際 聖主當日月之際一言遇合驟致

通顯偉才雄略誠有足自樹者既與張文忠以意氣相激

交道不終其豪傑之故態哉

談遷曰桂子實雖學術經濟自負以視永嘉瞠乎不及也

永嘉學博才瞻有廊廟之用裨益不淺子實拾其緒餘矜

厲則過之忤忍則一也昔田千秋片言悟主立取漢相其

後效亦著甚子實不無媿之哉

凌迪知曰夢實學勵行執古而傲上一言悟主遂至峻用
讀公奏議皆經國大猷切中時弊至密論四事若放宮人
止織造罷鎮守卻祥瑞尤時所難言者况其講學論政皆
自稽古根本中來又其於進退之際懇、不肯自恕可謂
名相也已

乙巳免太原旱災田租

丁未羽林衛指揮使劉永昌請武職故絕姪孫等概得襲兵
部議許嫡弟姪餘置之

西苑無逸殿成

上往幽風亭觀穫召大學士翟鑿尚書汪

鉉李時侍郎夏言入賜宴論曰聖祖嘗曰衣帛常思織婦

之勞食粟當念農夫之若今觀之果粒、克艱也復御無逸

殿諭此文皇帝所御也近葺之且設位祭告用宴落成進

講七月詩無逸書各一篇卿等其具儀注

九朝亥朔復戶部浙江江西山東湖廣河南陝西司主事各一

南京太廟成

癸丑戶部尚書梁材憂去刑部尚書許讚改戶部

巡撫河南右副都御史徐瓚為工部右侍郎

翰林院脩撰姚涑請帝王廟斥元世祖禮部議春秋夷狄而中國則中國之自古帝王嘗優崇勝國太祖睿斷載在祀典宜如故從之

徐學謨曰曆數之傳雖有華夷之辨要皆天命所屬即夷狄自不能廢之矣乃宋人正閏之說尤為無謂

甲寅復南京吏部文選驗封司禮部儀制祠祭司主事各一兵部車駕司刑部陝西江西河南浙江司員外郎貴州雲南司主事各一前巡撫甘肅右副都御史唐澤卒錄其勞贈戶部右侍郎予

祭壘

乙卯上祀雲雨風雷岳鎮海瀆基運山等山川之神

右都督馬永僉書南京前府

丙辰詔罷兩京郊祀從南京太常寺卿黃芳等之言

己未巡按直隸監察御史張寅追論張孚敬與汪鋐誣陷夏言罪狀請判唐高州判官

義烏縣火

庚申帝王廟成

辛酉南京給事中林士元監察御史馮恩等請大計南京臺

省先糾劾使部院有據左都御史汪鋐言令部院擬定去留
方許糾劾毋先工。上詰吏部云嘉靖七年都御史李承勛
劾在考察之後成化二十年南京都御史李守恕等論劾在
考察前臣竊謂第論公私不宜論先後遂定大計南京糾劾
於十二月終具奏

癸亥署鴻臚寺太常寺卿魏璋卒贈禮部右侍郎

乙丑祭文皇帝於西苑并行落成禮

丙寅太子太保禮部尚書李時兼文淵閣大學士直閣

江西左布政使吳山為右副都御史巡撫河南

戊辰禮部左侍郎兼翰林院學士夏言為尚書

己巳上幸西苑仁壽宮召大學士翟鑿李時左都御史汪

鋐尚書夏言入議人材用王瓊於吏部王時中刑部王憲兵

部又以吏部左侍郎唐龍才即進兵部尚書兼右都御史總

制陝西三邊并賑濟又曰朕念陝西饑特遣葉相往賑宜倍

道令相疾得毋避子

庚午翰林院侍讀學士張潮為學士

壬申又幸西苑御無逸殿賜大學士翟鑿李時坐時講無逸

篇鑿講砥風七月詩賜宴

癸酉廣天下歲貢生郡歲二人州再歲三人縣歲一人入太學

甲戌兵部尚書王時中改刑部

議脩榆林東西路邊備

佃廣東新會新寧恩平等縣盜陷荒田

丁丑光祿寺卿黃宗明上光祿須知撮要五卷

戊寅唐平府曲周產嘉辰並蒞縣丞侯廷訓以圖上賜衣一襲

己卯工御文華殿東室召翟鑾李時汪銳夏言欲更太廟

同堂之制時等曰一日難徧祭九廟夏言曰古禮未易復且

廟皆東向上欲即兩廡為之鑿曰兩廡短安能容上曰

皇考世廟南向太宗以下東西向心竊未安言請度地方

議之

還德王衡王衛王湮王初封時莊田

庚辰遣行人原案勅召總制陝西王瓊

十朝已朔禮部左侍郎嚴嵩改吏部

罷祈穀壇并於員邱

有黃虎入無錫東門

癸未南內作欽天閣追先閣貯欽天記祖德詩名碑

甲申止遷陵之議禮部尚書夏言以玄宮久閉體魄久安請
禁細人之說上然之行人趙昊言海內旱蝗不謀賑救而
倡遷陵非亟也舜崩蒼梧娥皇女英不聞祔零陵九疑之塚
禹崩會稽塗山氏未嘗祔也天子以四海為家亡內外遠近
之異故皇陵在鳳陽不遷建業孝陵在南都不遷天壽豈非
謂逝者各即其所安而生者靡憾乎上以語不諱下獄謫
故南京吏部尚書餘姚黃珣贈太子太保謚文僖

乙酉丁亥禮部右侍郎湛若水為左侍郎詹事顧鼎臣為禮部右

侍郎

已丑失朝官二百四十六人命三歷者下法司再歷者奪俸
兩月餘宥之

太常寺卿署國子祭酒許誥請歸膳夫銀於太倉錢鈔於戶
部戶科給事中葉洪等謂非制寢之

四川真州盜平

庚寅翰林學士張潮為少詹事侍講學士席春為學士

定春秋仲月工已祭帝社帝稷

議立雩壇於員邱之左

壬辰通政司使張瓚為戶部右侍郎

復武清縣御馬草場

甲午李頤嗣豐城伯李旻從子

裁南京冗濫軍匠

命有司量恤寧府庶人甄銓等祿三之一初宸濠脅甄銓等

分守宮門及義師入俱首原已窮其覈銅高墻累訴辨御史

秦武明其枉

乙未禮部言旌表節孝若於滯案遂定季冬類上

濬蘆溝琉璃胡良涿州白溝新縣沙河間滹沱縣六河入於海

丙申許岷庶人彥汰冠帶視事世子譽榮力請之

丁酉旌晉王知烺孝行母妃郝氏薨毀瘠執禮有素芝白鶴

之異

戊戌停刑

己亥改德州衛生儒試山東遼東衛生儒試順天

辛丑前南京戶部尚書鄧璋卒璋涿人成化丁未進士贈太

子太保

癸卯定各庫折銀不得徵耗

乙巳奉主泰神殿

巡撫江西右副都御史胡璉為南京刑部右侍郎

十一月辛亥朔冬至甲寅大祀員外明日賜宴

丙辰右春坊右中允廖道南上泰神殿禮成感雪賦員外慶

成詩

壬戌光祿寺卿黃宗明言歲造器僅萬有二千進供訖仍還

給今入而不出上命尚膳監嚴覈各宮還之

癸亥立盱眙雙貞祠何雄二女市倡家不從並投水死

甲子起王憲太子太保兵部尚書

丙寅雲南左布政使高公韶為右副都御史巡撫江西

復大名兵備副使

戊辰免西安田租

遣御史巡視蘆溝橋

辛未羽林前衛指揮使劉永昌乞每歲經筵開講幸太學詔

明年行之

壬申旌靈邱王聰滿孝行

癸酉上求嗣設醮欽安殿禮部尚書夏言為監禮使侍郎

湛若水顧鼎臣導迎青詞郭勛李時王憲汪銳連日薦香

談遷曰湛氏出新建之門講學人也匍匐芝幃鶴馭之間

獨不可奉身以退乎又上章言禱儲當修其在已收欽精神
上曰既欲朕收欽精神即不宜煩擾蓋深窺其微也
士大夫信道蓋如此

故南京工部尚書歙縣洪遠贈太子少保謚恭靖

定軍功世襲例自永樂年降夷始

乙亥封^允移瀟王勛澄遠山王厚炳齊東王載培獲嘉王厚

焯汝源王厚煥樊山王健樞鉅野王勤燧柘城王勤煊脩武

王

丁丑還^遣行人周文燭^賈勅召致仕大學士張孚敬 章聖皇太

后數問 上張少傅今安在故馳勅曰自卿去後切軫朕思

人誰無過朕弗類必得卿終始以佐之而後可慰我聖母之懷副我思

撫治鄖陽右僉都御史袁宗儒改巡撫山東

戊寅翰林脩撰馬如驥為南京國子司業

己卯雲南普定衛地震

十二月庚辰朔免浙直河南陝西災傷田租

癸未改寧夏巡撫右僉都御史胡東臯撫治鄖陽

乙酉禮部右侍郎顏鼎臣上步虛詞七章又言青詞尤為至要

恐道深或慢易幸戒諭之自此始委詞臣撰焉

戊子監祭御史喻希禮上言祈天求嗣不在祠醮而在行仁
政請宥大禮大獄得罪諸臣御史石金亦言人才用舍政事
張弛一切付之廷論 陛下恭默凝神提挈綱領使真精內
蘊則彛斯之慶自集 工不懌並下禮部尚書夏言所言謂
希禮金奏內稱宥罪可迂天休是但尋常福利之說養心不
貴勤察則啟人君怠逸之漸迂踈可罪意亦亡他 工益怒
并責言黨護下希禮金鎮撫司
已丑南陽吏黃騰訴歲輸牛供祭京師苦遠瘠禮部請徵直
及真定保定永平河間亦如之

廣東海盜復熾

庚寅吏部左侍郎嚴嵩為南京禮部尚書

辛卯起楊志學右副都御史巡撫寧夏

停通考歲貢之令

壬辰大掠應州時報斬二十餘級命給事中王機御史楊

宣閱實

禮部主事田汝成以祈天建醮乞釋罔圖罪臣奪俸兩月

庚子王瓊至改吏部尚書

辛丑監察御史楊宜言邇者沙汰諸生學臣奉行過刻略不

愛惜沮父兄教子弟之念驅衣冠為田野之傭且史冊所載增廣生員有增置學舍矣有沙汰僧尼矣未聞沙汰諸生也乞下明詔噓植毋概斥為功從之
壬寅收養京師貧民

南京監察御史喬英上七事辨邪正審用舍開言路廣仁恩

宿大禮大謹災變抑祥瑞備盜賊 上是之
獄諸臣

上御平臺召李時翟鑾議谷大用罪盡籍其家

雲南騰衝衛軍民指揮使司改騰衝衛

乙巳逮南京監察御史馬駸喬英陳洙李祜余勉學劉志仁

李松何宏陳府宋宜下鎮撫司獄並劾王瓊不宜召用也吏

科左給事中魏良弼疎救亦下獄復之

壬辰嘉靖十一年正月庚戌朔

五朝亥命戶部郎中翁萬達賑順天饑民

癸丑太子太保吏部尚書王瓊等言考察令甲止據三年見

任事蹟非通考生平素履邇來多苛求或遷外官追捕其京秩或

至尊官遠糾其下僚惡、長而善、短殊失惜才之意 上

然之

戊午留入覲四品以上官陪祀祈穀

辛酉郭維藩服除補翰林侍讀學士

乙丑吏部右侍郎周用為左侍郎太常寺卿署國子祭酒許
誥為吏部右侍郎

丙寅右中允廖道南右贊善蔡昂並為翰林侍讀學士

丁卯吏部大計

戊辰南京織造太監李政役竣仍留任

己巳巡撫延綏右僉都御史張宏福刻失士心奪其官
免重慶保寧馬湖叙州田租

乙亥南京中府都督同知楊宏乘肩輿被劾奪俸三月

命戶部右侍郎張雲等於西苑仁壽宮栽桑

丙子廣西提學僉事黃佐以母疾輒去上原之令致仕

戊寅國子司業陳寰為南京國子祭酒

永淳長公主再求三河縣田七百三十五頃許之

諭瘞各邊暴骨

二 庚辰朔上受朝祀先聖先師於文華殿

戶部左侍郎葉相疾免

起王克封右副都御史巡撫陝西克封以守制貸二萬金賂

薦得之密諭有司償金涇州知州石樓王永吉不從劾其才
不勝左遷寧夏監糧通判

壬午夜有星見東南蒼白色戊戌城
癸未改馬汝驥國子司業

後府右都督桂勇卒勇應天衛千戶武舉起家歷保定參將
平盜擢江西副總兵改京營總兵薊鎮宣大歷功充左叅將
提督京城捕盜從武宗南幸降都指揮同知甲申總兵大
同誅叛卒入總兵巡徼歷著勞績
署都督僉事卻永提督京城巡捕

刑科給事中徐俊民請均糧限田曰受地公家曰官田江水
湮沒曰坍江外絕糧存曰事故官田佃租不等坍江事故累
里甲代賦凋瘵日甚令民官田均派蠲坍江事故之虛稅
田分三則膏腴上也肥磽半者次之界山海為下徵輸以是
為差下各撫按計之

庚子故南京禮部尚書仁和江瀾贈太子少保謚文昭

癸卯起潘珍右副都御史提督操江大理寺左少卿戴時宗
為右僉都御史總理河道

乙巳饒州知府祁勅坐陶器稽悞逮獄謫

丙午南京大理寺卿潘旦為南京吏部尚書
陽春西山盜高州

丁未操江廣寧侯劉泰以玩盜免

三月庚戌朔子賑莊浪衛

癸丑武昌地震

甲寅少傅兼太子太傅吏部尚書謹身殿大學士張孚敬入

朝進兼太子太師華蓋殿大學士

丙辰南京後府署都督僉事陳璠提督操江

巳未提督南贛右副都御史陶諧為兵部左侍郎兼左僉都御史

兵部左侍郎潘希曾卒贈尚書希曾金華人弘治壬戌進士

巳巳皇后蠶於內苑

庚午諭禮部議宗廟昭穆世次

南京工部右侍郎林庭楫改工部左侍郎

團營副總兵趙鎮以三千人援延綏

江西巡撫右副都御史胡璉言清虛糧三圖冊如田地山塘

必注都圖主名開除係某賣新收係某買廢絕奸弊命頒其

法天下

丁丑孔天胤以宗戚除陝西按察僉事

戊寅南京糧儲都御史毛思義巡撫貴州都御史劉士元太僕寺卿盛儀俱劾免

四明郊朔光祿寺卿黃宗明為兵部右侍郎

辛巳南京太常寺卿黃芳為南京兵部右侍郎

比歲濬泥等六河溢工青巡撫保定右僉都御史林有孚

對狀遣太僕寺卿何棟治河有孚引謝改總督南京糧儲

壬午琉球國世子尚清入貢請封

甲申張孚敬等度地議廟制當別立文皇帝廟於太祖

之東擬周世室不在昭穆例其昭穆六廟地溢可每廟五楹

後即藏主亡寢殿遂報罷

丙戌榮王祐樞乞沿江魚課不許

貢士李承箕卒承箕字嘉魚人同兄承芳舉成化丙午

鄉榜慕陳獻章不計偕日端坐冥會或勸之著述曰箋註繁

蕪又可推波助瀾耶伯仲間自相磨厲年五十四學者稱大

涯先生

餘

總制陝西唐龍言北下擁衆十一萬脅貢市不若姑與之徐

觀其變上責龍戰守

戊子起馮卿光祿寺卿

辛卯翰林院侍講學士廖道南脩撰王用賓主武闡得六十
人
封常玄振懷遠侯李性臨淮侯鄧繼坤定遠侯湯紹宗靈璧
侯各祿千石給誥券

談遷曰 永陵念開天之績追錄元臣甚盛舉也常六王
昔戮力並駕傳友德馮勝又李善長幃幄之寄俱不容沒
似有遺憾焉

廣東左布政使徐問為右副都御史巡撫貴州
巡撫湖廣右副都御史凌相以巡按雲南御史葉奇劾前雲

南左布政時奸利因辨為清軍御史陸夢韓所族御史王德
溫又劾相並免官

與奇同擢人

壬辰大理寺左少卿許宗魯為右僉都御史巡撫保定
癸巳金星晝見

陝西按察使于桂為右僉都御史巡撫延綏
甲午吏部考功郎中王激為南京通政司右通政
暑讞釋輕囚

丙申荊州知府孫存上集刊大明律讀法書 上以備改下
巡按御史并訊同知李章通判吳望推官朱黼等燬其刻

戊戌河南按察副使韓邦奇為大理寺左少卿
闕者一千餘人守闕求進詔罪其首餘逐之

庚子韓府襄陵王徵鈐五世同居勅旌之賜酒釐文幣

工部右侍郎黎奭奉獻皇帝主於顯陵祭訖虹見明日雨

壬寅定朝日壇間歲甲丙戊庚壬親祀夕月及神祇壇間三歲丑

辰未戌年親祀餘遣祭

前總督糧儲右僉都御史林廷玉卒

癸卯監察御史阮徵揚行中先論曰明日值經筵復命踰期被論

宥之復命或當避忌得更日

總督漕運右副都御史劉節言運河漫沙直抵淮安西浮橋

宜改河口築長隄議擇便行之

甲辰起趙璜仍工部尚書

乙巳京師旱命順天尹禱雨

丙午吏部工行取各官備科道命擇端謹老成者仍科貢並

用

西海夷卜兒孩乞入貢

五月申朔吏部驗封郎中李默同考武舉宴兵部與尚書王憲

爭禮被論調

辛亥兵部左侍郎潘希曾卒希曾字仲魯金華人弘治壬戌
進士館選除授兵科給事中忤瑾削籍後進南太常寺卿六
年亡滯色開府南贛平巨寇入工部右侍郎治河漕歷著聲
望贈尚書祭葬如例

癸丑博士王昂周汝員馮震蔡駿柯橋宋茂熙白賁曾子約李實

楊爵李鳳張子立楊春芳知縣沈一定王橋鄒堯臣蔣瑜為試監

察御史

乙卯裁太原莞糧通判

己未王朝用為陝西道監察御史

癸亥吏科左給事中陳侃行人高澄封環球中山國王尚清

陝西同州地震

甲子雲南昆陽盜平

己巳趙群臣薦舉

淮安大風雨拔木傷稼

丙子太子太保吏部尚書兼翰林學士方獻夫召至進武英

殿大學士直閣

六戊寅壬午免順天真定保定河間順德水災田租

賑上林苑戶仍停徵十年以前逋稅

甲申封劉瑜誠意伯給誥券祿七百石基九世孫
戊子增陝西兵備副使魏綸從征

庚寅定廷試歲貢生被片五人以上提學官鐫一級時張學
敬等斥貢士五十九人禮部儀制郎中田汝成請寬之謂祖

宗朝以食糧年深為序茲欲下及增附則廩膳似為虛器矣
丁酉左春坊左中允孫承恩歸養

戊戌監察御史徐汝奎言「有三窟一河套直延綏一威寧

海_子北直大同一清山直宣府備俱不可緩在延綏宜漕石州
保德之粟自黃河而上_雙粟由鄭陽汴粟由漢中達陝西宣大

二麥將登宜多糴山西山東河南三邊則西運易州南運天
城北運居庸至西路萬全右衛懷來衛近天城陽和宜駐宣
府游兵援大同東路永寧等衛則護衛宣府畿郡各練兵赴
援邊關議可

壬寅薊州總兵官楊鎮劾免

癸卯廣東巡撫林富削籍以海盜薄廣州殺掠也

河決魚臺

七
丁未朔
壬子貴州都司叛苗平

癸丑朶顏衛把班乞陞襲許之

丙辰恭妃文氏薨妃嘗罪退喪葬並殺禮

戊午李瑾為署都督僉事總兵官鎮守薊州

己未南京御史始理屯田

辛酉廣東按察僉事龔大稔劾吏部尚書方獻夫及守制詹事霍韜俱貪橫不法數事逮大稔削籍

癸亥南京刑科給事中王希文請作戰車報可

乙丑前太子太保南京兵部尚書陶琰卒琰絳人成化辛丑進士贈少保謚恭介

丙寅太子太保吏部尚書王瓊卒瓊字德章山西太原人成化甲

辰進士自戶部郎中歷藩臬二千石皆第最正德時召拜戶

部侍郎進尚書多計筭穎敏默識改兵部時事旁午悉合機

宜以彭澤陸完平涿寇進少保太子太保以陳金平兩廣蠻

進少傅以王守仁平贛州盜進少師太子太師迨宸濠反得

守仁平之改吏部以貪忤大不稱嘉靖初成遼左借議禮釋

為氓已總督陝西有斬獲脩築邊墻進太子太保復改吏部

瓊與彭澤俱號一時儒將其議合密事相矛盾論者謂瓊議

得云贈少保謚恭襄世錦衣衛千戶

王世貞曰瓊有才而貪治世能臣也或問與楊一清孰優

曰其評也而墻斬亦等之便可知矣

李贄曰弇州謂晉溪貪財好睡眊中人夫滿朝皆受宸濠賂獨晉溪與梁公無有也楊廷和首相受賂擅與護衛乃駕禍於梁公梁不辨卒被劾去又駕禍晉溪晉溪又不辨卒被誣下獄論死是孰為貪財乎孰為好睡眊人乎於子晉溪不貪宸濠之賂而陰用守仁使居上流以擒濠明知守仁不以一錢與人而故委心用之何也彼不拒江彬者欲以行彼志耳是以能使守仁等諸豪傑得為朝廷用也當時若李克嗣之撫應天喬宇輩之居南京陳金等之節

制兩廣卒令宸濠旋起而旋滅是誰之功乎

己巳方獻夫署吏部

辛未戶部郎中徐元祉受命賑保定河間言河患順天利害半之真定利多害少保定利少害多河間則全害弘正間嘗築長隄排決口旋即潰敗今跡濬之策六先濬本河俾河身寬遠九河自山西來南與滹沱合而不浸真定諸郡北與白溝合而不浸保定諸郡又濬支河令九河派經大青河從紫城口入經文都村從澶盤口入經白洋淀從蘭家口入經章哥窪從楊村河入庶細派納水力以分又濬決河每衝處

量留一口復濬合成渠殺其湍急又濬淀河令淀、相通虛則受盈則泄又濬淤河令九河東逝悉由故道高者下、者通凡豪強占阻罪之又濬下河九河一出青縣一出丁字沽相亘於苑冢口濬則本支等河自直達於海詔行之壬申左都御史汪鋐劾御史王宣譚纘沈奎陳大器陸夢麟李美胡體乾陳世輔熊爵先後保薦官屬多掛察典且連坐下吏部議罰部覆濫舉四人以上免官二人以上鐫調一人奪俸六月於是宣纘免大器夢麟世輔譴餘奪俸是月前工部尚書趙璜卒

八胡子朔初 上不豫各臣暫拜勅於左順門至是仍故

已卯夜羣見東井芒尺餘漸至大掃太微垣至十二月甲戌始滅

辛巳諭脩省

薊鎮總兵李瑾移鎮大同甘州左副總兵都督僉事卜雲鎮薊州

總理河道右僉都御史戴時宗言河決魚臺議者皆欲復故道不若委魚臺為受水地因而導之使入昭陽湖過新河出留城金溝為便廷議不可謂跡支河入昭陽也

丙戌獻廟淑妃王氏薨

戊子勞保定巡撫都御史林有孚戶部郎中徐元祉酒釐文

幣以賑濟功

壬辰福建右布政使吳昂予告

甲午上祭歷代帝王廟

翰林侍講學士廖道南上景德崇聖頌且請復史職設起居

儲史官為備上是之

辛丑勒少傳大學士張孚敬致仕初孚敬以星變求退不允

禮科都給事中魏良弼引占書彗見東方君臣爭明彗字出

井奸臣在側孚敬竊弄威福驕恣專橫妖星示異惟其所召

乞亟罷之以應天變孚敬辨為挾私報復良弼濫舉京營武職罰俸兩月上

不悅兵科給事中秦鰲劾孚敬強辨飾非媚嫉愈甚頃上

諭舉賢容衆同寅協恭今言官論列輒文致其罪又禍中同

列曰曲法曰媚人且票擬自歸明示攬權干和啼衆如此不

去不治上嘉鰲忠謹罷孚敬同官李時為請與廩勅書不

報僅予馳驛

談遷曰永嘉去位上輒思之不置旋即召入自再至

而優禮稍怠不前若也漢時水旱災異丞相引咎避位或

至見法三歲三莖往者不之間獨永嘉塞其責然乎哉

山東巡撫右副都御史邵錫調外錫核德府庄田相許儀衛
司旗校額千七百餘人多逃絕錫檄濟南知府楊撫裁其冒
給遂大譟毆通判劉知之事聞各論罪

是月前少保吏部尚書東光廖紀卒贈少傅謚僖靖

九

丙午朔丁未簡戶部員外郎莞太倉庫

前霍州知州陳采下法司采工言祖訓兄終弟及指同父

而言武宗遺詔謂陛下孝宗親弟之子當立非與

武宗為兄弟也楊廷和既悞主濮議而張孚敬又謂繼統

武宗遺漏天潢那移祖訓乞正罪如律上怒逮之

已酉太僕寺卿何棟為左僉都御史巡撫大同

庚戌太子太保兵部尚書兼左都御史汪鏗改吏部尚書

朱國禎曰諸臣因大禮驟進而夏言議郊祀分合得首揆

汪鏗議及民間奢侈正喪葬服飾之制得冢宰人之善逐

好如此

癸丑大學士方獻夫薦吏部文選郎中王道河南道監察御

史張珩堪補官僚遂改左春坊左右諭德珩辭之

丁巳講官侍讀學士吳惠郭維藩退上諭李時等曰吳惠

言省妄費停冗役維藩言戒操切更張務敦厚博大其意云
何卿其問之令具對於是惠奏民窮財竭而宮殿頻興採木
陶磚大為川廣蘓松之患此謂停役各省歲辦物料當准折
色解京從宜置辦此謂節省且請減價惠商踈通餘鹽維藩
奏士風漸漓好張聲譽請張為通安靜為迂嚴急為才寬厚
為愿好惡任情俗薄政靡非細故也宜飭臣工實脩職業諸
凡條陳擇其長慮久道方賜施行毋徇操切之論求人過甚
立法太嚴且請復庶吉士停選貢報聞
庶幾養成偉大之俗
禮科都給事中魏良弼等劾汪鋐貪佞不宜冢宰各奪俸二

月

徐學謨曰人臣之進諫有機苟得其機則一言而山岳可
排秦蠶是也不數日良弼又劾汪鋐上哂之矣蓋不欲
進退大臣之權盡屬之臺諫也

發帑八十萬金賑陝西仍令人輸粟

刑部尚書王時中上六事重欽恤戒嚴苛宥狂愚明發遣輯
盜賊禁刁訟上是之獨宥狂愚不果行

庚申上御文華殿西室諭輔臣脩省語及人才曰過猶不
及於是李時等上三事務安靜惜人才慎刑獄從之

壬戌前左都御史聶賢為工部尚書巡撫順天右副都御史
王大用為左都御史尋言官論大用望淺仍巡撫
癸亥兵部尚書王憲提督團營

甲子巡按直隸監察御史李朝綱言太監鎮守非令甲
下撤大同太監張申邊人稱慶請自後不復遣從之

乙丑巡撫山西右副都御史黃鍾疾去

丙寅山東左布政使邵銳為太僕寺卿

丁卯免廬鳳淮揚徐和旱蝗田租

壬申月犯進賢星

十戊寅翰林院編修楊名以星變言上喜怒失中責對狀

刑部右侍郎朱廷聲予告

辛巳詔遮洋山東二總免運南糧於小灘交兌著為令

金星晝見

甲申選進士錢亮許極閔如霖衛元確段承恩韓最扈永通

呂光洵謝九儀劉光文黃獻可劉士達劉思唐閔樸胡守中

錢籍王梅雷禮邊泮李大魁郭希顏工闕試牘見糊名疑

其私報罷編脩程文德請親試文華殿選呂懷范慈錢亮黃

應中秦鳴夏邊佚閔如霖王珩衛元確浦應期游居敬趙汝

濂劉思唐閔樸胡守中李本趙維垣何城王梅李大魁郭希
顏並庶吉士禮部右侍郎顧鼎臣為吏部左侍郎仍兼翰林
學士署詹事府教習

翰林院編脩楊名言喜怒失中之實汪鋹心行反覆不當長
吏部郭勛邪回險詐不當典兵陳道瀛佞仁輩庸惡道深不
當司太常享祀此 聖心之偏於喜也 皇上踐祚以來諸

臣建言觸威取罪懲創已久終未釋然此 聖心之偏於怒
也又真人邵元節猥以末術過蒙採聽嘗內府建醮自古禱
祠無驗乃不惜糜費且命大臣供事致不肖乞哀其門市恩

播威賣緣備事之漸也 上怒甚下鎮撫司拷訊汪鋹踪辨

謂名為楊廷和里人乘張孚敬去位報復及臣 上益怒命

詰主者名瀕死不承嘗示草編脩程文德并下文德獄兵部
左侍郎黃宗明跡救云連坐非美政又下宗明獄 上成名

譎文德信宜典史調宗明福建布政司左叅政

談遷曰 上好道術中外封事亡敢斥之楊名獨倡侃論
殆與諫佛骨詆柳泌者比烈也名不幸蜀產汪氏借新都
排之事邈予不相及設蜀非其地抑以議禮飾之耶詩云
巧言如簧汪氏之謂也

林之盛曰楊名誣服程公必自有說不然豈慷慨直節之士所為耶欽勛竟敗公言良驗忠不避難 隨烈哉

丙戌免山東田租

召賑濟陝西戶部右侍郎張瓚留員外郎袁准主事王維垣

戊子詔今歲停刑

金星復晝見

己丑安置前慶王台浚於陝西立其子萬櫛為世子攝國初

台浚罪廢萬櫛幼華昌王寘錙攝國台浚淫虐如故薄萬櫛

而寘錙亦歿行相訐命司禮太監宋興按其事俱有請廢寘

錙庶人幽高墻而台浚父子交構故異其居

辛卯總運右副都御史劉節為刑部右侍郎

免河南田租

癸巳真人邵元節被劾乞休不許

甲午故少保吏部尚書廖紀贈少傅謚僖靖

禮部尚書夏言故隸府軍左衛乞除伍許之

直隸提學監察御史胡明善以禁塘石立碑內臣答文鑑訐

之下獄削籍刑部尚書王時中不即訊奪俸六月即中諸傑

謫高明典史

丙申工部尚書聶賢改左都御史

監察御史郭弘化言天文志并居東方其宿為木今堊出於井必土木所致又廣東珠池擾民請停不急之工罷採木採珠則堊滅而前星耀矣戶部尚書許讚等言弘化宜聽上謂採木故事也何堊滅前星耀則朕未嗣專以採珠耶削其籍

南京監察御史馮恩疎時政得失差等大臣李時任重少力太平宰相翟鑿附勢倚權伴食中書方獻夫外愿內奸播弄威福所當亟黜戶部尚書許讚謙謹守成禮部尚書夏言多

學持正兵部尚書王憲剛直習兵刑部尚書王時中委靡容私工部尚書趙璜不畏強禦吏部左侍郎周用通敏老成右侍郎許誥迂邪無耻禮部左侍郎湛若水無用道學右侍郎顧鼎臣器可任重兵部左侍郎錢如京安靜有守右侍郎黃宗明因人成事刑部左侍郎聞淵公明質直右侍郎朱廷聲篤實謙約工部左侍郎黎輿滑稽淺近右侍郎林庭樞才器通達右都御史汪鋐鄙壬挾私文奸飾險此第一毒人也但張孚敬之奸久露汪鋐方獻夫之奸不測去孚敬不去此二人天下事未可知也上怒其浮肆逮入京

己亥免澤沁絳霍隰曲沃田租

庚子江西提學副使張時徹專沙汰諸生劾免

禮部尚書夏言言右郊祀設大次小次今止大次宜作戒幄

備小次之制從之

榜肅朝儀

工部郎中范廷儀緩於城工下獄

辛丑河南道監察御史張珩為南京太僕寺少卿

免順天各衛屯租

癸卯祀先臣狄仁傑寇準劉安世於大名

申辰馬卿為右副都御史總督漕運

十一月

丁未乙巳朔睦燁選授行人沈謚田濡推官管見劉望之知縣常序王庶戴嘉猷李亮濁

朱潤為給事中南京戶科推官張鵬朱方陳大用沈應陽知縣董珊鄧直卿萬夔

蘓祐陳縞曹煜王密為試監察御史

庚戌故工部尚書安福趙璜贈太子太保護莊靖

壬子前南京通政司右通政馮理為光祿寺少卿

免高淳溧陽江浦宣城水災田租

海盜陳邦瑞等犯廣州指揮李整等擒斬之餘就撫

癸丑前沔陽州判官黃直服闋入京跡救楊名黃宗明下獄
戍邊直嘗授漳州推官請建儲被謫

甲寅四川巡撫右僉都御史宋滄進白兔受賀汪鋐夏言少
詹事張潮等各上詩頌賦丙辰獻太廟世廟

戊午召南京戶部尚書秦金於工部

庚申工祀南郊

辛酉清馥殿翠芳錦芬寶月亭成進夏言太子太保

乙丑復荊州捕盜通判

丁卯朶顏三衛入寇先巡撫王大用欲通朶顏與略之城其

霧靈山不果至是大用劾免

辛未南京吏部右侍郎許誥為南京戶部尚書

羅洪先病痊補翰林院編修

寧夏總兵官劉文以禦功進都督同知

癸酉南京右都御史萬鏜上八事公推薦辦國是審蠲除通
鹽法裕邊儲廣於宥正憲體先實務工不憚曰鏜屢推未
用意在怨恨故云後推未必勝前也下吏部叅覆

十月二日亥免河間真定保定順德田租

辛巳翰林院侍讀學士郭維藩獻白兔賦忤旨

壬午封新塢義寧王厚燦平鄉王融煇長樂王睦栢浦江王致禧益陽王定向建德王俊槻廣靈王

兵部武庫郎中苗汝霖侵官錢下獄戍邊

癸未御史拾御道匿名書命焚之母陷人

甲申欽賞酒釐專供光祿事向責宛平大興

乙酉脩孝陵東陵門殿

戊子詹事府少詹事張潮翰林院學士席春為吏部右侍郎

始遣內臣權木真定從內官監太監高忠之請

己丑戶部左侍郎王軌為南京右都御史

戊戌河道右僉都御史戴時宗整飭薊鎮邊備兼巡撫順天

起毛伯溫右僉都御史

承天府鍾祥縣諸生額視京師

賑蒲解饑民

丁酉敕犯寇雲總兵卜雲未至命京營總兵張輓率千五百騎暫鎮之

是歲巡按山東監察御史方遠軍行部東萊訪膠河遺跡上其圖淮河北岍隔里為支家河通新溝至安東縣達沐陽之漣河三百八十里入海由海州霸榆歷安東衛石臼所夏河

靈山衛膠州瞭頭營至麻灣海口二百一十里又馬家灣五里至平度州東南有南北新河源出高密至膠州分北河西派抵海倉入海三百七十五里大海至直沽四百里通計千四百三十五里按察副使王獻力主其說倣元時海運

周弘祖曰國家都燕海運之復豈庸已哉復海運必開新河何者蓋海運由安東循靈山歷陳家島緣岬而來則觸浮勞之險放舟大洋入黑水夾延真白蓬頭經成山沙門島萬里波濤未易涉也新河自麻灣至海倉相距財三百餘里耳非遠若漾海數千里之阻也下接三沙之洋上接

三山之渤水勢自然非若引汶絕濟強決細涿以蓄注也此固元人所經畫未成者嘗詢萊守陽賓云新河自膠州歷昌邑濰縣西北出界河口八十里內六十里海潮日至共二十里淤塞舊閘壩規制見存至小直沽易也嗟乎海運閼燕都重輕新河係海運通塞此役當與天下共之非淮海山東之私役也且元人業以為之前驅矣奈何吝此二十里之費而喪垂成之績哉愚俗之未可與謀始也來斯行曰膠州志載馬濠碑略曰王憲副欲鑿濠以抵麻灣所以避淮子口之險隨濬新河以為海運計落成之日

淮舟適至率文武將吏卓午登舟帆幃載張舟師鼓舵旌
旗飛揚鼓吹振作北至於膠州又東至於麻灣入於新河
陳村而止日尚未曛行一百五十餘里碑撰於侍御藍田
去今未遠業揚帆而至陳村矣乃云麻灣去潮一百二十
里與內口相隔懸絕者何也

安南莫登庸遣裴堵阮如桂攻黎譔弑之鄭綏走死鄭惟懷
以子寧走保險張岳交事紀聞



壽

